

彛

壽

軒

詩

鈔

彝壽軒詩鈔卷十

錢唐 張應昌 仲甫

庚申 餘生草

紀二月二十七日粵匪陷武林事

黑氛壓城雲氣惡地慘天愁狂雨落雨聲淋浪賊至郭橫刀
躍馬無人覺彼虜初來百騎耳四郊弛防無一壘長驅城下
赤燄起崇朝頓失湖山美大吏戰兢急閉城城外予賊無屯
營城內盡納烏合兵兵不殺賊戕吾氓豈無義團願敵懷官
禁其逃叱之退開關縱民亦何礙養賊殃民兩貽害外侮不
禦內變生內應外合官孽盲坊衢火舉城垣傾守卒奔逃梟
勇迎可憐臨安十萬戶半剩空房半焦土掠財焚屋更殺擄
荼毒甚於金陵苦五都百屋聚傭櫛許史金張高閭閻一畝

儒宮環堵室盡化煙雲在頃刻殺人如麻刀矛攢血流如河
骸如山老稚婦女甘軀捐懸樑入井投池淵六日橫屍十餘
萬漏網逃生亦魚爛死者皆骸納塗炭生者無家絕衣飯援
軍幸來師子吼三月二日張帥王良兵至人城殺賊賊走奪門拔幟賊驚走保此
遺黎堅壁守然已蹂躪什八九假令一鼓氣早作何至吳山
馬蹄蹴唯幄無籌將退縮一死難酬億兆哭羅撫軍吁嗟如
此好湖山錦繡笙歌六百年咸淳以後烽煙傳無此毒痛凶
虜殘七寶山前歎蕭瑟西湖月冷鶯花歇出門親朋一路泣
入室婦子號咷說西浙東吳接魯齒又見蘇臺遊鹿豕四月十三日
州災逮葭莩與葛藟相對楚囚共流涕傷心地獄換天堂
休話當年蘇與杭東南貢賦空筐筐吳越男婦荒耕桑捐輸
億萬民膏竭十載養兵都作賊百年休養生聚絕一旦三吳

傾半壁武臣惜死文擁財軍中韓范安在哉仙鄉佛國皆華
萊目極江南庾信哀我已窮民老而獨淡飯羶衣守蓬屋一
朝縣磬空所蓄七十衰翁悲蹙蹙餘生虎口留驚魂敝廬雖
在貧難存白頭彈鋏出里門豆萁荆樹依本根滿地煙塵行
路梗轉徙頻傳風鶴警侘傺漂零隨所騁千里江關萬重嶺
阻又改由錢江西上依吾姪南昌鄉園回首淚潸然死別生
還欲問天衰齡不早溝壑填大劫相逢怨大年

哭義僕陳四

四諸暨人道光戊戌來余家性忠直敦朴無嗜好有膂力惟好武習拳勇弓石咸豐

癸丑入仁和庠應鄉試再今春浙闈馬步矢全圍未及試刀石而賊至遂輟試城破焚掠四家與余家並遭厄是時度無生理四以同死相約余謂吾老弱待斃而已但吾已無子孫生仗汝扶持死仗汝埋斂汝不可死也則伴諸焉而乘間忽攜刀矛出門殺賊遂遇害余走避僻所數日兵至賊走訪其屍不得有見其殺賊四五人者蓋賊怒之投於火矣余爲作傳

陳僕從我游二十三載久雖爲主與僕若父子朋友秉心惟
正直樹德在醇厚九石弓可彎百斛鼎能負天生必有用好
武意赳赳待奮貔虎威肯逐牛馬走朝夕勤股肱餘閒練身
手兼全智仁勇不愛財色酒一朝升膠庠若發冠其偶以此
干城資况逢戎馬糾探囊取公侯拾芥視組綬而乃甘蠮屈
相依垂白叟憐我蘭摧庭念我雪蒙首助我治饗饁隨我茹
藜糗旨蓄儲晨昏量度到井臼出門同扶持司夜獨邏守紀
綱倚一人伶仃安數口同輩皆不賤馳騁營門柳爾獨甘窶
貧埋才處蓬牖鄉選非遠遊秋風志抖擻跂予望鴻飛高翔
離澤數今春浙闡中爾已什得九幾日宴鷹場側耳聽獅吼
忽然鼙鼓來驚破湖山陡崇朝薄城垣入日關鎖鉏耨巷鳥
鳴火身家魚在筍萬事都已矣薄命願離垢爾以同死勸自

了全歸受免污賊刀鋸毒痛恣踣蹂爾言誠是也吾更分別
吾本旦暮人老翁伴弱婦咨嗟行路難待斃如械梏但我
子孫亡賴爾爲臂肘吾存仗保持吾死託身後吾死事當然
爾死理無取抱頭流涕說諒爾意無扭豈料崇朝忿一身戰
羣醜赴火蛾翎焚當車螳臂挖傷哉肉成鸛壯矣膽如斗烈
士雖錚錚故主倚誰某誰知賊旋去脫網吾无咎室人均團
樂但失爾左右大謀在小忍一死輕培塿爾勇誠霄冲爾智
等槃扣爾死吾徒存皇皇喪家狗恐懼棄如遺流離活亦苟
爾遇鏡中花爾志泥中藕傷爾名無成傷爾骸速朽千里我
飄然九泉爾知否平生失意事此僕今無有

遭難出門出胥江至婁東將往川沙又轉棹南返吳越
路梗遂改江行遠至豫章途中成二十八韻

出門心惘惘垂老不得安

用

亦既毀室家何以謀蔬餽有弟

與兄子兩地爲宰官弟也邇吳會迎我一葦扁草草浮家去

小聚鯨溪邊未聯風雨榻又驚亭戍煙東去望峰泖先泛婁

江船纏綿話姻婭

鎮洋吳戰門邑侯余感也

言笑羅杯盪哀我阮藉窮慰

我范叔寒主以銷夏約賓有如歸歡一旬席未煖百里烽再

傳倉皇又鳥散轉徙如蟻旋便欲海隅蹈瞻望鴿在原傳聲

賊道路轉權還鄉園流民滿地坐相語涕潸然朝策肥馬游

暮無炊釜懸畫行避兵隊夜警喧民團溪湖百折遶港汊九

曲穿故鄉復搶攘不能高枕眠分飛雁影子靡止烏啼酸夢

絲亂方寸歧路增長歎兄子宦章門江程里二千東望川塗

梗西上雲帆便蹙蹙信步騁栖栖行路難扶病正當暑日多

還風餐炎陽百里嶺駭浪千重灘回頭望鄉國漫漫隔雲山

龍鍾老病叟能否期生還

吳門遇夏子儀部郎

鳳翔

贈句率利

太息餘生虎口來江南莫罄子山哀十年軍餉養兵樂一旦
江城揖盜開億萬身家同日盡西湖風月劫餘灰老而不死
嗟多壽淪落吳臺又越臺

原作

錢夏鳳翔

驚心老瘦賊中來聽話家園我更哀破屋空存兵火後野
花猶傍戰場開吳江烟水思歸棹故國湖山半劫灰今日
飄零同太息尤憐白髮客蘇臺

婁東黃氏園

三畝園林徑百盤旋螺穿蟻走層巒乍疑無路通苔磴將欲
登峰阻石欄雜樹青圍雙柏古平軒綠繞一池寬待攜枕簟

來銷夏又早驚回旅夢殘

章門喜晤惕齋希齋兩姪

垂暮來千里相逢話亂離傷吾窮獨境累爾寂寥時鵬息期

雲展蛟擒賴柱支

前賊犯南昌許真人顯佑

游蹤求樂上早辦買山資

良會殊鄉幸衙齋聚弟兄關山同念遠骨肉各牽情相對傾

樽酒遙憐警寇兵

弟姪及婦稚在雲間在茗里在越申在薊門者近皆被警

何時黃徧插

樂事慶安平

七月十六夜水觀音亭坐月

畫棟珠簾一炬銷花洲冷月亦無聊橫塘流水棲禪隱皓魄
清秋遠市囂夢履涼生殘醉醒荷燈間逐晚風飄鄉心陡觸
滄桑感彷彿西湖第六橋

南昌寓舍

寒風兼溼雨城郭繞江濱震蕩搖檐瓦泥塗壅陌塵攪眠蟲

絮枕登坐鼠親人地豈桃源是浮家且避秦章門四面瀕江地甚低溼一雨

輒淡旬大風常三四日不止月必數次五月御開蟋蟀鳴鼠大者如狸晝不避人

滕王閣空亭遺址咸豐癸丑賊擾南昌焚郭外十里閣遂燬

高閣千年俯大江棟雲簾雨聚吳艘楚人一炬傷心極十里

寒潮繞郭撞

劉氏學圃養素方伯子濬別墅

小築傍花洲繞堂流水周天然圖畫得不必美完求香淨荷

間暑風來樹裏樓先憂斯後樂保衛此鄉州樓名後樂

喬氏小園瀛嶧大寺延魁寓舍

小圃秋英絢疏寮書几清留人叢桂樹傍楊煮茶鑪松白龍

鱗古花紅鳳羽輕灌園如可學抱甕待先生

陳氏別墅

陳克齋別
駕進脩

城北結廬寬閒閑十畝間廣庭先得月繁卉疊成山爲徑通
籬落鵝池傍竹灣高人軒冕賤倦鳥早飛還

謝氏舫齋

謝鄴如
實樹

二丈營長舫羣芳植小園桂霏金粟滿蓉作錦屏翻花木微
家瑞芝蘭繞膝蕃謝庭嘉樹譽高隱樂邱樊

贈董耕石明府

錫圭
孫江
西候補縣令

卅載韓門隔廬全滿鬢霜懷憂辭故里感舊遇江鄉大業君
方盛窮民我自傷悲時同濺淚易德保康彊

永福禪林

禪舍無塵到文窗斐几明客思留茗話僧解擁書城花石林
邨妥門庭車馬清地偏心更遠應免俗氛縈

食蟹三律限尖團韻

稻熟螯肥動酒帘江鄉秋早到霜兼堆盤俊味分膾品擘玉
豐肌膩指尖酣飲不須杯爭勸老饕頻喚醋薑添畫屏銀燭
黃花影人對西風正捲簾

他鄉聊作故鄉看雙手同持四座歡怪爾橫行稱介士拚吾
濃醉却霜寒滿城風雨天休問今日樽罍興未闌笑把茱萸
頭上插人如明月坐團團

同作

興仁 楊齋

鄉夢莼鱸別緒添霜螯幾度手頻拈天留涼雨重陽展人
對黃花瘦影兼坐客談深止風月盤殮味好雜鹽鹽舉杯
狂吸膾應到不畏輕寒料峭尖

荻花風起一江寒細檢行厨記食單飽啖能令詩骨健澆

愁頓覺酒懷寬含黃喜共新橙薦嚼蕊還同秋菊餐茶鼎
香浮看眼過解醒待撥小龍團

和許枚卿妹聲

唐藻

見贈二律元韻

枚卿孝豐人官楚北太守以長君兆

梅攝進賢令來江就養因至章門

故里危城脫網囚相逢萍絮話離愁漂搖風雨嗟窮鳥浩蕩
乾坤羨野鷗烽火阻睽衣帶水劫灰感憶物華樓滄江歲晚
猶堪臥且作平原十日留

梅魂不到此江鄉憶殺孤山淺水塘遮眼有書真是伴掃愁
除酒更無方啼霜古木寒鴉繞飛雪遙天朔雁涼樂事如君
應不悶冥裘簪紱聚華堂

枚卿疊前韻簡示再和

休厭塵樊學楚囚煩憂平子更多愁和聲清響看雙鶴顧影

孤飛歎一鷗毛子壯情身捧檄庾公佳興月當樓撥煩自有
傳家譜翠帶還須五馬留

半是同鄉聚異鄉歲寒風雪滿陂塘無非燕雀偷安計那有
神仙避世方屋角鳴禽云且過天邊飛雨詠其涼白頭淪落
窮兼獨瞻望高陽是錦堂

過陳氏別墅眺雪奉酬克齋主人

層樓放眼入瓊宮三面銀山不受風平野疎林塵市外竹籬
茆舍畫圖中騎驢便觸西湖夢浮鷁難通剡水篷煮雪嘗茶
清絕處雲鄉羨煞采芝翁

章門立春日

羈客殊鄉久流光改歲華烽煙連故里骨月各天涯仰屋窮
途守觀河老態加金雞應赦厄舉首望春賒

新歲
辛酉

辛酉

讀梅庵上人

南昌水福禪林寺主慧禪

松雲精舍詩

老梅瘦衲共清森一卷煙霞冰雪吟成佛生天須慧業栽花
覓句亦禪心百城擁坐掛湘帳一榻無塵繞綠陰瓢笠輪君
不孤負昇平山水徧探尋

寺有老梅乃手植者

謁新建侯王文成公祠

好謀而成戰則克聖人語是行軍式縱敵一日患數世賢人
語是安邦計戰固在勇謀斯賊暴虎之衆毋乃狂敵不可縱
兵貴速燎原之火宜早撲兼斯二者當元戎何敵不摧堅不
攻智勇勳名燦千古我懷新建文成公初撫南贛下車始南
中羣賊紛如蟻密呼老吏調行藏洞燭么麼見腴理歛然天
上將軍下閩廣四十餘寨罷出奇虎伏更龍驤橫水左溪鞍

並卸洲頭奏凱駐豐城逆王警檄又徵兵揚帆虜向大江去

競指舒州颺旆旌公云此逆離巢穴躡跡還虞腹背擊直搗

西昌迎賊來一鼓擒渠快朝食三十五日大慙平內憂外患

都無驚果然長城伯安倚知人早有尙書瓊宸濠之變兵部尙書王瓊言于

朝日王伯安居南昌上游必擒賊三百年來馨祀享鄉人宦客儀型仰我來

座下拜遺容載誦史編深企想帷幄籌兵二妙得其智如神

其機疾新息平蠻大將麾條侯除溷崇勲力材略能安宵小

情張忠許泰傾威名忠泰受武宗命討賊至南昌恨失宸濠縱卒殺馬公厚撫慰之卒皆悅服遂止

師去道學原藏經濟用聖訓賢箴如貫綜豹房當日無愁帝警

天一柱金甌繫劍逢修武厲兵時棘門霸上眞兒戲

紀許眞人西江破賊保城事

神功妙濟宋封號旌陽眞人許歷三千年靈爽佑鄉土斬蛟滅

蛟當日靖江瀾救劫庇民于今馨豆俎咸豐癸丑粵賊至南

昌圍城三月厯夏至徂暑燎原虐燄一炬滿江紅糗糧軍實

持久難撐拄置臣爪士竭盡心與力籲神迎駕登陴助靈武

英威赫赫護國保庶民賊礮箭火吹落如霽雨賊徒驚竄億

兆樂康寧稽顙崩角頂禮虔婦豎迎祀神于德勝門城樓賊

一民圍解奏請加封神號我來豫章距昔越七載邦人讚歎依瞻如母父

今春肝江圍郡又兩旬糧盡軍孤火烈亦冥舉圍城已破彼

虜忽倒戈吉報傳來欣躍慶安堵繼讀我友肝江一紙書陰

杜漱吾葆恬游幕府江乃知保城毆寇皆神祐城南賊礮毀垣七八丈

北風大起反礮猛於虎騰煙走石向外飛過壕斷胸陷脰擊

殺數百虜翼日守城老民竹匠黃姓仆而言吾是玉隆宮中許福

王統帥神兵三千拯爾郡昔夕之風乃吾揮白羽今宵四郭

速樹許字旗吾當掃逐么麼厲一鼓其時武弁來訪未到門

千總揚

門內先已呼名示神語詰朝賊果出境遠遁逃威見

朱袍白髯氣驚沮

所獲賊

三軍羣醜眾耳魚目同赫濯聲靈

昭昭在聽觀一再呵護保此危亂邦擎天之柱是乃真鐵柱

憶昔乾隆庚寅章門災以身代民願毀祠像宇示夢道人句

日其事符紀實歌詩使者東吳褚

長洲褚鶴心學士廷璫觀學西江時有詩紀事見集

中今日二事目擊手書者番禺馮君我友山陰杜

癸丑之事子良司馬

詩集中

無憂無荒故老傳遺言信斯言也實惟神恃怙

相傳

上昇時遺語云天下大亂在萬壽宮前泥首矢精忱願神永

西無憂天下大荒江西薄收

永靈衛洪都府

傷食自警

曾受養生先輩法老人愁飽不愁飢齒肥原與瘦人戾多食

更非衰體宜未病易忘防病預貪時快意悔時遲身心動靜
皆如是豈獨思危在桑顛

上巳日過北郭陳氏園

春晚羣芳繁結想北郭里禊游趨東湖言訪太邱子入門迎
豔陽滿園鬪羅綺山茶漾娟娟天竹懸紫紫餅桃花不落盆
蘭節高峙嫩黃飄棗棠碎粉攢郁李碧桃穠如彼紫荊嬌若
此鼠姑如瑛盤重樓尙含藥干花八九臺富貴疇與比相期
百五辰來賞第一卉穿逕繞芳菲登臺眺雲水幽草滿窗前
垂楊拂沙鵲翠鳥鳴喬枝白鷺泛清沚閒閒灌園翁神仙福
地美久坐啜春風忘歸斜暮晷歸來小窗夢猶在香霞裏

滋伯寄示移居做廬詩四律次韻寄答

君若武林郭外
去春遭厄毀室

屢徙竺嶺西郭
仍被驚擾余出游屋空

君攜家人郭外
居之以詩寄示屬和

西飛啼煞白頭禽垂老天涯憶故林縱有空巢留牖戶其如
飢腹困身心一枝庭樹依三匝千里鄉書抵萬金別後正愁
蒿徑廢幸來鶴侶結同岑

摧心良友禍同罹兵火三遷困莫支歎息春山消閣翠倉皇
竺徑伴衣緇梅谿待與漁樵偶芄野還驚見虎欺大亂鄉居
今亦畏合移芝社供仙芝

君家有春山堂翠浮閣適厄後先
奔竺嶺再徙西谿若號芝柏道人

湫隘蓬廬直是蝸三間榻几接窗紗昔年同里難同硯今日
移家卻別家驅蠹免殘塵架帙酌詩代慰佛鄉花分襟愈抱

離羣戚况復江程亂似麻

葬壽軒前新植優鉢羅花未花
而余去今幸得若濯慨葺治

萍飄已歷一星霜那得歸帆十幅張僅免飢彈馮子缺何時
暖送陸生裝干戈滿地皆巢幕聚散由天倘度航各禱餘年
康吉祐重逢偕隱水雲鄉

章門竹枝詞

廟社張燈慶上元
琉璃明瑟鼓簫喧
昇平麗景難重見
煙火當年金谷園

花洲煙冷已無花
水木蕭疎只賣茶
一曲嘔啞桑濮調
輸他商女撥琵琶

梅雨兼旬動老蛟
船將入市走江濤
朝來誌水橋邊看
已報波痕丈八高

儺戲天中眾社狂
將軍平浪令公楊
顛搖響轎神應厭
靈笈傳呼不出坊

神輿有以巨木作杠引細絡索搖轉輿旁作響者神隨人而簾各寺出坊巡行各于神前卜筮

不得住名謂神不許出卽止駕

會盛盪蘭羽士狂
裝神捉鬼鬧攘攘
如何父母斯民貌
竟把官衙改道場

昨庚申歲中元以縣署儀門之外爲盪壇紙紮神鬼牢獄列于門內大門儀門書元都法界不

二道場等字爲額
兩旁楹聯類是

天燭高燒塔火燉赤熒烈舉關黃昏九幽照徹應悲絕德勝
門邊十類魂以大竹貫柴注油然之曰天燭又疊瓦爲塔滿
地也

衣縞巾綦走曲渚捧香爭拜水觀音河燈借作慈航渡要照

重泉業海深北湖水觀音亭元夜放河燈

保民護國仰眞人萬壽宮前肅祀辰三步一頭來健婦誠

求甘惹九衢塵八月朔日神誕燒香最盛

長虹曳互泮池平攜手中秋踏月明不是卷然獅柱百摩挲

沙石笑娥姪躍龍橋中秋游女撫摩橋柱以爲佳兆柱不方而籠不似他處大橋列柱之饒獅也

吉日良辰爆竹喧春雷不獨鬧新年山魃野魅應轟盡怕鬼

緣何尙怵然

絲管春城久不聞山謳村笛笑紛紛乾嘉盛事猶傳說鞠部

衣裳挂綠雲

上饒河日有文伶小隊各日挂衣請音

丁坊酒煮玉壺春

丁坊佳釀之名

香茗珠蘭

皖茶之美者

沁齒唇便遜南

峰東浦品也堪消滌客襟塵

吾鄉龍井茶在南高峰下越酒出東浦

何處難忘酒效香山作

何處難忘酒佳山勝水遊六橋三泖舫明月夕陽樓綠樹鴈

歌曉丹林鴈點秋此時無一醺孤負好岩幽

何處難忘酒高朋滿座逢縱談神異事妙論有無宗風月今

宵話煙霞曠古胸此時無一醺孤負此觚鍾

何處難忘酒歌雲繞畫梁笛腔諧蠟板珠琲囀鶯簧雪面霓

裳隊金清玉豔場此時無一醺孤負耳洋洋

何處難忘酒峭寒黃葉村風轉飛雪下雲幕夕嵐昏煙棹孤

簪戴柴門冷臥袁此時無一醖何以擁春溫

何處難忘酒蕭齋樂有餘問天攜好句到眼得奇書月仁停
金軫花開繞玉除此時無一醖何以悅幽居

何處難忘酒殊鄉作旅人孤舟風雨夜秋水露霜晨眼底飄
零世天涯老病身此時無一醖何以解酸辛

何處難忘酒家人共畫堂亂離無損折衰老並康彊烽火通
書問萍蓬聚客鄉此時無一醖孤負滿庭芳

何處難忘酒流離老獨身蘭枝摧兩樹月影照三人浩劫遭
戎馬餘年別里隣此時無一醖何以慰窮民

愁

銷鑠吾肌骨端由坐此城酒杯澆不盡心劒割須爭解釋春
風否纏綿夜雨并根株緣妄想豈若信天行

病

漫爲求艾計早讀養生經誑世醫巫術邀功卹木靈樞機研
素問噓吸守黃庭禪榻爐烟裏澄心百體甯

老

不堪儕少壯祇合伴墨瞿耳目聰明損衣冠狀貌迂薄遊尋
伴少廣座覺形孤藜杖繩牀畔婆娑古意摹

閒

笑彼營營者終朝爲底忙醉吟真愜適雲水共徜徉閉戶空
山寂焚香靜晝長七旬如百四妙語傲羲皇

夢

遊知是幻晝寤豈爲眞終日蠅營意三更蝶化身登天聞
入滌識金銀萬境皆心造翛然仰至人

先送心歸極樂天唐人句也憶先伯父鄂樓公集中

有以此句作起句七絕詩因亦仿作

先送心歸極樂天任他老病苦交煎我人四相皆虛妄無我
如何有縛纒

先送心歸極樂天任他百惱莫煩悵待偕上善人同會證入
華池九品蓮

先送心歸極樂天任他世界幻滄田千年前後昆明水怕見
灰飛歷劫煙

先送心歸極樂天任他厄難備願連世間絕盡生人樂纔識
祇園界是仙

生米鎮屬新建旌陽真人玉隆宮靈蹟在焉今夏賊至
燬寺驚歎賦此

鬼神遭亂盡無家

明人間

前代詩人寄歎嗟浩劫又逢灰土

世奇兇

不走電雷車千年鐵柱驅妖魃一旦煙林噪暮鴉或

是毀家紓眾難金滕德意更無涯

乾隆庚寅章門火災真大示夢守祠道人云請命上

帝願以身代民難越日祠像毀而民

居無恙以今視昔或出于神意耶

示家人

君國艱虞際乾坤圻裂時佛仙難劫免骨肉莫情癡明月圓
非易深盃醉勿辭此生期自了何益杞人悲

得吳仲雲秦中書垂念難後遠寄禦寒裘服之資賦謝
餘生劫後又何求留此餘生凍餒憂一旦蕭寒傷范叔殘年
隕穫愧黔婁天涯知己傳雙鯉歲晚羈人覆大裘交道今人
如土棄緬懷鮑子誼千秋

待月

散開霞綺漾雲羅
庭院黃昏爽氣多
獨倚高樓琴拂軫
閒臨秋澗水生波
安排煮酒燒紅葉
迴避吹簫逐素娥
玉宇瑤臺耽坐久
又看花影轉煙蘿

賞花

美人佳客韻清森
相賞幽懷俊不禁
供養畫屏銀燭繞
勸酬金液玉壺斟
爲提碧甕忙春早
難捨紅粧照夜深
千日栽培三日醉
莫教孤負好園林

尋詩

吟懷何處寄蒼茫
多在白雲流水鄉
送客潯江商婦曲
騎驢灞岸小奚囊
宜人風月供陶寫
弔古山河動慨慷
最愛天生好言語
得來不用索枯腸

對酒

解憂第一杜康勳未飲先教悶事欣緣蟻金尊浮潏潏紅燈
翠袖捧殷勤一盃在手春生座萬事忘情夢繞雲白可澆書
酣獨酌何須摩壘要成軍

焚香

室生虛白几無塵金鴨初溫百和薰簾影閒垂三折水篆煙
直裊一重雲淨瓶花好芬同挹禪榻心清妙乍聞無事掩關
來靜坐誦持經卷禮迦文

顧曲

肉聲要合竹絲聲一縷歌雲耳試傾珠琲疊疊隨節應鶯簧
噤噤轉喉輕移情嘹亮樑間繞按拍分明指下評獨步吳中
梁魏法陋他巴里語音僞

崑山腔自魏良輔始梁伯龍得其傳

畢章之

大章

婁東遇難攜家來南昌感懷賦贈

尊公稱宓令羣從列韓門香火因緣結文章契分敦斗耀

怕折樽酒口能論懷舊人琴杳清貧到子孫尊公子筠明府

楊齋姪與禮齋亡兒先後蒙薦均

列門下其後公棄官隱居梅里

爾我飄萍梗江湖厭鼓聲故鄉同患難異地共依栖到處巢

危燕餘生命似雞醉歌今日且禽語勸盍提

夏秋久旱菊蠨均瘠猶喜重陽時節多晴賊氛遠退登
高遣悶薄酌祛愁疊去秋尖圓韻二律

商閣傷心舊棟簾強登高去上城尖眼中此日旌旗滿江上

頻年鼓角嚴幸覩清秋天宇淨且教衰鬢酒痕添歸來恰有

盍觴送一醉都忘旅跡淹今歲西江賊盛秋仲乃全退九日

余登城集觀軍壘暮歸有送酒者

菊團圓與蠨團團惆悵今年兩瘦寒對酒已教秋興澹望霓

還怕井泉乾悲歌杜老天容慘淪落江州客袂單豈獨簪萸

懷故國感時難使百憂寬

同作

興仁

嵐光飛翠入重檐明人愛清秋正捲簾難忘中年絲竹感

不愁佳節雨風兼飢驅身爲浮名累病久餐同戒律嚴時

禁鴻雁不來霜意薄菊鈴纔破小紅尖

身世蓬飄兩鬢殘風高落帽不知寒時制蓄髮懶吟非爲催

租敗遊客因愁媚俗難戰鼓湖山悲老大浮雲碁局冷長

安潯陽一舸秋波好空負霜臍九月團九江太守贈蟹余病不食

杜九漱吾菴恬自盱江來省恩恩又往吳州和暢齋用

尖團韻詩贈別

喜色離情此日兼故人重到捲珠簾玉簫催動歌聲起翠袖
殷勤酒暈添全遣客愁銷扇底劇憐芳恨上眉尖炊梁翦韭

眞良會况報江鄉已解嚴

俊賞樊川氣似蘭芙蓉淥水泛香瀾詩妍溫李吟黃絹詞妙
姜張寫素純自有文章驚客座更持定慧坐蒲團明朝山岳
今燈燭一舉千觴興未闌

禁口戒殺書示家人

貪生物性與人齊食者雖甘死者悽身歷刀兵曾走鹿魂飛
湯火也如雞未能養老辭芻豢且學投刀減玉壺掩耳偷鈴
遠庖說懺摩三業向菩提

驚聞武林復陷悲賦

亡羊漫說補牢堅

去年城陷即克復

危厦安能一柱擎河上翱翔軍

似戲釜中游泳命難延析骸易子遭奇厄

城中絕糧餓殍載道

破國亡

家哭昊天最是傷心生我忝遺容寶墨付雲煙

聞適金氏女孫荃在杭殉節遙哭以詩用進退格韻

避地潛鄉曲移家永別離數難逃大劫死竟得全歸薄命孤

雛羽悽魂古井湄能留完卵否遙慟涕霑衣金氏諱避姑新

遷越遷杭女孫幼失怙無兄弟城陷不食死

同治壬戌餘生草

壬戌新春

倦旅殊鄉客夢驚春風兩度拂江城嗟衰暮矣成窮獨到亂

離時憶治平百萬字經一目寫時寫華嚴全部未竟七三年

齒五朝更湖山回首滄桑改梅柳空牽故國情

題錢直卿師環誦芬圖卷後直卿余年家子膠城竹汀

孫同人大令之子也卷內小像三世十

海內傳經家君家欣推讓代有聞人作邁越漢歆向昔讀潛

研編谷庫韞寶藏汲古脩綆得辨義珠船餉

余編春秋屬辭辨例一書采自

信說箕裘繼良工組羣爭令望一門富著作六藝奉宗匠後學

景先賢仰山峻無量恨不遊鄭門高堂侍帷帳尊公我同儕

秋風其乘浪未得樽酒同空懷葭水曠有爲未竟用歎逝方

及壯幸與超宗游窺見鳳毛樣而今遭亂離萍聚章江上示

我誦芬圖再拜瞻慈相紫芝濯眉宇瑤林列輩行滿庭聞蘭

馨談藝想雪亮孝嗣抱遺容祖武守素尚堪敬賢子孫隨身

潔供養覽此忽慘懷恨我喪亡曾擊鼓動地來松楸劫灰葬

遺香縮本無寶墨飛煙颺儀貌與手澤哀哉霜露愴見賢慙

不學瞻容愧無狀敬君還自責難解此惆悵

粵賊破杭時余思恩避出

像大帽不能攜而遺墨數十種託友寄存墓廬者

哭惕齋姪

嗟爾髫年無怙恃育於大母讀從子范喬捧硯傳家學任防

能文守父書繩武金坡承著作網才玉海獲璠璣姪典試粵東門下士

李文田旋以進士第三及第相期駟馬門重關未竟勛名屬望虛

不於身者於其子名父之兒有是夫獨怪用才才小用奈何

孤子子仍孤功名已似秋雲薄壽命還嗟夏木枯自是衰庭

門祚改山頽梁壤動長吁

粉帳蘭臺夙夜勤職司清要政清芬輕裘緩帶情偏逸獨鶴

孤雲意不羣官與前人補遺闕諫垣與典試皆大夫所未歷之官先才於難

事解紛紜一麾纔展鵬程息慘霧淒淒隱豹文

不隨不激愛憎平渾厚分明洽眾情知己失聲悲衛玠同僚

搔首憶龔生相逢行路咨嗟說受晉家奴涕淚傾沒世身爲

宮世情問天何忍壤長城

本是吾家主器人
况逢顛沛亂離辰
全憑一木支傾厦
其託洪波養涸鱗
葛藟本根能庇蔭
梓桑恭敬到尊親
一朝噩夢驚傳去
幾處天涯淚滿巾

寡妻幼子競啼飢
况我衰容獨影搖
慟哭寒庭芳樹盡
餘有一孫慘逢浩劫故鄉離
飄蓬流轉方依岸
庚春余避亂窮鳥來者門依煙
倉皇又續枝滿眼
煙塵滿頭雪殘年
誰與好扶持

葬楊齋姪于南昌城外昇山園悲賦

不得驅五馬騶導
入宜陽而乃臥
雙縛薤歌出南昌
散屣拋

銅符坐嘯無黃堂
一棺萬事已徒歎
人琴亡姪委權喪郡未赴任時歿

前日樽酒地雖管
坐兩頭今朝別華屋
寂寞歸山耶江泉一

坏土玉樹埋荒幽
所以爾生前無嗜無所求

有弟歿桂林晴柳來
章門故鄉旣榛莽
同瘞此江村誰知叔

與姪會合天涯魂人世搏沙感豈獨悲生存

從弟震爲粵西州牧卒于官

不能歸里亦葬于南昌

老苦似吾罕窮獨更危願躬葬子與婦子身去鄉園旣傷我
室毀又慟西州前誰復收吾骨喟然摧心肝

悼陸姬病亡一百韻

憶昔迎桃葉盈盈二七年鈿車深巷裏紉扇綺牕前秋水清
臚朗春山淺黛妍嬌容偏綽約雅步不輕儼壁上圖書識屏
間笑語傳幽芳空谷抱秀色俗塵蠲皎皎雞羣鶴冊冊畫裏
仙量珠難滿斛議聘更償錢遂發姑胥驛同登范蠡船客帆
梅雨候親舍白雲邊老母歡攜手山妻笑比肩來耶看婀娜
見者說嬋娟羅襪香塵展綳簾素手舉卷衣情婉變捧盃態
便嬾別母烏啼夜隨郎燕繞椽疎星斜漢指明月好秋圓壤

夢殘銀燭晨梳擁盛鬢淡粧垂翠袖椎髻卻金鈿翦綺隨宿
繡添香侍硯田慧心都了達厭藝並精研熨貼量刀尺縱橫
擘粉綿寸絲無棄擲寒服最安便烹飪隨心妙羹湯適口鮮
食單憑指點火候應急煎略識之無字旋窺宛委編文辭聊
指畫理緒已珠穿熟覽虞初說閑謳長恨篇姬愛觀晉唐以下說部書愛讀
香山長恨歌屢乞人作書盡于扇頭四聲通沈約三影步張先小令清詞麗低
吟逸致嬌偶逢佳句得如有妙香然有開妙香室詞識曲分宮羽玲
音辨琵琶草真摹趙頰花鳥學黃荃慧業才如此紅顏命乃
遭鵲美無食療蛛繭有愁纏許語囂聲厭愉容媚色處小星
猶職謹江汜悔心懷變惜嗟遲暮膏肓早病瘡營虛腹火炙
癥結腹瓢堅瘦骨頻銷燐照肌盡削腹終年常檢藥佳日每
敲眠惆悵神思損榮枯血氣備杳無投燕夢空寫弄塵騰喜

見萱堂至歡生香曆嗎會稀離別易親老夢魂牽禾隔千山

遠離杭一葦扁吳江波淼淼齊女涕漣漣夜月悽哀雁春風

泣鵲鵲沈疴彌假寒雜感况煩情動地喧烽火移家泛鏡川

草臆愁對月譜筆感摧拉總幕親會殮麻衣慟几筵癸丑春

中監湖余大江鄉思魚落日客心懸大江落日血見粉里征

聲遠樟亭去棹旋故園傷墜甌游子慨揚鞭書舫錦涇泛輕

裳香水箋還家歌燕喜將母賦離別袂何恩遠歸帆乃式

過驚心棲舍鵬觸耳報秋蟬東野酸懷登西河痛淚濺余次

仕吳閩未幾郎病歿長子暨暮年傷我獨願志賴卿憐寂寂

居蒿徑悽悽伴蕙樓門庭方佗僚世界復顛連蟻賊來茗上

額輝到海墻壓城雲氣惡破壁鼓聲填膽落完巢少心甘薄

蟻蟻拚沉碧發幸未及黃泉窮巷蠹身伏餘生虎口廻黃

巾雖掃去白屋已蕭然食失萊蕪釜衣無子敬龜待餬四方
口先扣五湖舫吳下纔宵枕江南又成煙重顧夢水戢遠度

玉山復旅思愁堆萬江程路倍千閣臨雲浦迴人傍竹林賢

庚申春賊破武林姬投井援起遁入僻所官軍旋驅賊去而家已蕩然余無以自存偕姬就食吳下族戚處逾月賊又至急回棹返浙由錢江西上清宮榮簪紱芳庭秀蕙荃比兒情

隨就章門楊齋姬之養 疊疊扶老意拳拳詠絮才思重吹蘭臭咏聯一枝叨翠樾五

馬仁香嚮待關黃堂屏將迎紫屬駢雪霜飛栗烈山嶽駭崩

籌以惕齋姪相依兩載侍養余極敬愛又重姬之才品不託足

悲窮鳥傷心哭昊天梟聲彌懊惱鴻跡又移遷井水逢寒中

河魚更體孱陰消陽轉虐醫遠病難痊聞秋隨希齋姬就養臨江水寒人病姬先

患腹疾復轉瘧肝疾又大作撒手離三界招魂隔九淵生原

無良醫善藥病兩月餘遽歿 無樂事死竟捨華顛淑德幽閒備高才學識全遭逢何坎壈

因果叩穹玄閱世嗟多厄從吾習四禪可能拋苦李立地證
香蓮故國思重返明湖願一厖客鄉飄旅魄坏土寄荒阡顧
影愁平子登樓歎仲宣楚氛吳越地機曜斗牛躔驛路烟塵
互鄉園茂草芊芊家皆罄矣眷屬盡殲余妻妾子孫及子
存一子婦而遠在天涯亦多病躑躅依枝鵲鈴竚墮水鷺自傷無骨月誰與
議蔬醴小友三生了遺詞一卷鐫孤燈期入夢可有再來緣

葬陸姬于南昌郭外昇山園惕齋姪墓側感賦

生離桑梓死飄蓬出塞蛾眉淪落同埋爾一抔悽冷蝶賸吾
孤影喚征鴻夜臺魂聚依南阮暮景途窮護老翁能否還鄉
同穴處了緣翻羨汝全終

壬戌除夕

此日天涯剩子身一年兩厄遇何屯巢傾大樹無依託影伴

孤燈寂笑顰老耄顛連何況獨晨昏憐惜更無人賓朋歡樂
吾悽惻爆竹聲中更愴神

癸亥

餘生草

癸亥新正

七十過三較更稀用香驚心蒙谷送斜暉一家骨肉枯林盡
千里煙塵故國非孤影關河萍梗轉等身編述劫灰飛窮民
迫景還何戀惟有瞿曇旦夕依

余腹疾歲久以火衰放也董君耕石教以吞飴調陳艾
丸杜君漱吾又傳藥酒方均有驗賦此志之

腹疾十二載土虧因火衰落日近虞淵難返若木枝良藥世
已罕州木徒根皮斑龍頂上珠價等珎珎琪窮途艱餬口那
得兼金資終朝苦殍泄寒谷無春熙好友示良方廉巧殊相

宜求彼三年艾調以一勺飴九吞法簡易暖若酒到臍雖非束薪抱已如溫釜炊雖難氣益益已免腸澌澌再選參苓品試釀葡萄卮一酌火鬱勃再飲神融怡自今謹藥餌防患安心脾調攝更養氣滫瀡母朶頤或者延餘年緩緩沉斜曠

贈單藻林太守

興詩

葭莖欣有託萍梗樂相依疆場年來靖城民亂後非咸懷生聚德不用欽鉗威門似瀟江水清風簡牘稀咫尺親眉宇衙齋宛結隣憐余巢覆卵垂暮鳥依人叔子廟裘帶周郎感栗困會遲偏別早夢繞大河濱

去吳平官舍贈別杜漱吾

傷心不共到宜陽猶幸偕乘瀟水航連袂高齋無一載消愁良會少于觴點谿頑鐵少陵學洞見胸臆扁鵲方談藝養生

皆益友可能重聚在琴堂

家益川大令

光裕

來章門需次喜晤傾譚奉贈二律

亂離三載別辛苦四方驅南土連烽火西江轉宦途看君騰
遠驥歎我繞枝鳥瞻屋于誰止行將蹈海隅
慘說家鄉事田廬盡草萊獨懷先墓域安否在泉臺驛路人
烟絕江流戰骨堆飄蓬傷暮齒何日賦歸來

和作

光裕

海江嘗險阻南北憤馳驅初宦如新嫁斯文歎改途高樓

休造鳳

裕以教習縣令發學西江都中師長謬承歎惜

狂草戲成鳥

裕喜學草書莫傲

飛騰意隨緣守一隅

七十不扶杖

叔年七十四仍不扶杖

承歡缺老萊抱孫恩渡海

叔以

弟之次子爲孫

望遠獨登臺烽火家山隔年華鬢雪堆尚

留清興在起早袖詩來

憚齋姪筮仕粵東迎余就養先寄書來率句寄答

北遊不登西山之雪厓泰山之日觀南遊不覩石城之踞蟠
黃海之浩瀚一生蜚伏守鄉閭自笑井甕與離鷄蹉跎老去
息遊心六橋雙峰對几案南山之南北山北泛鵠騎驢恣娛
玩有時鼓柁煙波中只在鱖溪茗水畔此生願老湖山間誰
料湖山墮劫難一朝寇盜如蜂屯萬姓身家盡魚爛餘生垂
老浮雲飄大江西上沂章瀛燕巢旅幕經三年烏繞空枝慟
一旦哀此流離惻獨人持危扶顛孰與贊有姪彈冠五羊城
瞻念衰翁意傷惋寄書招我過嶺游掃榻慰我索居歎我本
蓬蒿安臥者避亂登樓效王粲此身萍梗隨波流得免漂搖
快依岬展拓平生抑塞磊落胸梅嶺珠江放眼遊汗漫

登寓舍露臺望西山

客舍傍城西露臺出屋上嫋嫋躡崇梯放眼得快曠西山互
蒼蒼環翠作屏障朝日吸朱霞暮雲攀錦帳曉風披涼襟夜
月動高唱年來偃蹇懷對此忽舒放此懷暫舒舒此心轉惆
悵心到故鄉樓爽挹雙峰嶂好廬舍湖山滄桑變奇相慘遭
紅羊劫盡付黑灰葬白雲神仙鄉千載無此狀王粲嗟登臨
庾信動悽愴孤禽落遙天萬感生一望低頭捨級下客愁那
能盪

呈沈幼丹中丞

衛樂清聲冰玉儔後先並作大川舟靜綏疆圉銷鐸鼓宏濟
艱難任怨尤葇月三公尊畫戟大江半壁固金甌文忠才望
勳名繼應續前賢紀宦游

公爲蘇文忠公之
婿文忠著宦游錄

予季韓門憶執經從遊載酒說原鶴前塵邈隔黃墟社旅客
欣覩紫極星話舊年多嗟逝水吹枯風暖慰飄萍馮煖雖抱
無家恨猶幸瞻依廣厦庭公之尊伯蔭士先生余弟三人受業師也今越五十餘年先生與余兩弟俱逝惟余一幼弟存

魏稼孫

錫曾

避亂至福州所蓄金石器拓不失而求古

之興倍勇寄示詠金石近詩殊增我割愛去鄉之痛也
長歌寄答

吾家軒以彝壽名周邢叔鐘大寶鎮吾老以鐘歸于劉燕庭方伯
祕藏墨拓富題詠其餘小物多吉金古色璘璠珠照乘駢羅
几案玉石間雜以花藝哥汝定最勝都承器百種歷代元號
確攷證商周秦漢逮元明制作精神發光瑩伴我鮐背鶴髮
翁終老此生宜共命歎然蟻聚來鼓聲皇然鹿走逃陷穽擔

登負笈奔長途翰墨圖書皆贅臆矧此犖犖确确者更如
屈如墮甌故鄉殘喘延暫時大劫重遭靡遺燼寶山回首悲
悔多盡化煙雲存者僅千里取攜百一耳漢卅九印宋一印
余行笈僅存秦漢印三一一身已似葉浮海萬物何殊花在鏡
誦君旅遊求古篇增我倉皇去鄉恨萬事都已夫何言餘生
泡影他遑問

傷心

傷心佛國天堂地都是青蕪白骨堆萬姓無家隨賊去三更
有月入城來煙寒靈鷲人蹤滅血灑啼鵑鬼哭哀亙古湖山
無此慘我生遭遇太摧頽

傷心顛沛流離境况是龍鍾子獨人暮景扶持無骨月客鄉
奴僕伴皆晨出門驚極鼓鼙響恤後愁多風燭身一例天涯

淪落者孤燈衰鬢最酸辛

適吳氏女病歿于永康詩以哭之

生別卽死別蒙難早逆觀所慮衰齡人顛沛難措拄誰知三
年來我健尙如許汝歷艱虞中一病竟千古轉徙山澤深盡
空囊篋貯方幸銷烽煙坐待復巢宇乃染兵後疫肝痺變腹
蠱幾日中膏肓崇朝棄兒女哀汝少而嫠有子幸克樹讀書
壽秋風司鐸曳文組荼老得蔗甘衰年失樂土樂少苦何多
命薄時不與哀我老而獨子亡孫未補一女一女孫離析不
能聚女孫悲殉身汝又殞憂癩一官拋孤兒千里辭老父骨
肉全凋零鄉園徧禾黍剩我龍鍾叟淪落天涯所此生胡不
辰羣罹浩劫苦一哭兮再哭悽風滿江澣

贈別吳聽泉貳尹

康培之官樂安縣尉

而翁吾同袍秋風一鶚占微逐二十年並受韓門薦東華塵

上紅西湖風月豔文采鳴鸞鳳飢驅橐筆視龍頭同摧黷不

上金華殿終老燕趙郊遂隔雷陳面尊公勳奇解元同年與

之待而並賴于甲第我亦打牀牀余並膺移鶴觴師其目

謝庭羅羣彥翩翩爾兩兄鄉園共樽宴與爾欸接希才名亦

締膽皆兄昔堂選倏忽五十載世界滄桑變擊鼓驚湖山人

家苦昏墊恩恩去故里悠悠歷江縣獨客異鄉愁衰年羈旅

倦逢君落花時飄萍喜相見握手慶彈冠談心快得鯁成我

雪鴻編校我魯魚拙稿重刊文字奇共賞嬉游樂無饜吾

乃老獨人龍鍾世所厭窮途更速邁骨月如飛霰哀我繞樹

烏歎我尋巢燕每聞彈鋏歌輒動指囷念看君甌生塵愛我

袍贈緇媿彼葛藟繁想此桑榆晏懷君忽別君伶俜誰顧眄

毛櫟爲君喜梅尉動人羨惟吾隔山岳余將游粵潛然別淚濺思深會面難聊以短章餞

題吳頴函參軍昌言獨坐圖

城巷車馬喧林泉纓足濯無事此靜坐幽篁曳仙樂清淨天地歸蘊真心抱朴豈必擁圓蒲栖禪妙香覺

自題小像

一生埋首鑽書策夏楚冬繁研麤蠅勞神苦思窮編摩學津未闕昆侖河有經莫遺摧庭柯又遭劫火全消磨千秋傳此繫誰何何如風月恣酣歌達士見之大笑呵不能拄腹希東坡一肚不合時宜多吁嗟乎故鄉湖山悲黍禾寒江獨客雙鬢皤飄萍大海隨流波滄田沉雪飛鴻過我相非相老頭陀

甲子餘生草

四月初九日得姪曾孫希齋之長孫襄臣之子也句以志喜並示希齋父子

頭風頓愈報添丁余方患頭風是日適愈秉鉞充間贈美名余名之曰

伯以節鉞高十載全家逢劫厄先大父以下嫡支六舅賊

昌離難始其後十餘年中余弟舟甫及余本支並遭厄傾家

其別支遭厄者有三希齋一支與焉蓋六支中惟在北土之

免耳一門四代尚岷嶺此子為六支客鄉耄稚歡同聚

流依希齋姪父子居今得此獨叟伶俜喜亦生惟願坎父徵

再索負螻慰我鄧攸情余子孫並歿之後次子興厚已有嗣

次子生而今已矣待宗齡成童後得第二子乃與繼立

則余壽幾何故願見襄臣再得一男亦可以愛繼嗣也

讀香山晚年病中詩自警

七十人難到過三更稀數此樂天翁言翁壽七十五翁富貴安閒終日心樂土未到七旬時已為百病侮目昏廢書歎筋

馳跬步阻又頭風入年半人自傷憊我乃劬勞人畢生褻繭
縷又顛沛流離更窮獨孤苦故鄉家園傾倦旅疏水茹復失
烏鵲枝并凋燕雀侶老苦太淒其歲已七五與雙眸久眇一
一能細書賭兩足瘦於鶴緩步可以舉與翁殊苦樂勝翁健
腰膂今春忽頭風憑陵來二豎消息念無常葆衛須有三誦
翁病中吟內觀力自努

彝壽軒詩鈔卷十一

錢唐 張應昌 仲甫

乙丑 徐生草

應昌嘉慶乙丑歲試入歸安學後改籍錢唐今七十有六值重游泮水之年而顛沛流離困窮孤獨雖故國山河喜復奈劫灰家室全空歸計且艱况追逐後進諸生拜瞻廡下乎哀感悲賦

舞勺象時觀試三青衿披得尙童慙余十三齡至十英髦漫

與前人比余與山伯鄧讓公府君會場公先叔耐軒公及

先兄同甫公與府弟廉兄入學年皆十六先叔蘇門公題

傍於蕪城老屋曰英髦集泮鐵梅庵尙書爲前記梁芷鄰撫

部爲後記府君彙刻兩文勒石名弱羽終教一第慚叨鄉

日英髦集泮記石存蕪城支祠中薦三上春衣鉢弗能傳茂苑受知師賢學使者記文空爲續官不第

梅庵桐枯蕙歎悽惶甚六十年來境不堪

別耶依母住西泠嘉慶辛酉府君由吳中開藩山右余兄弟畱南應試隨徐太夫人居杭負

笈隨兄共執經備兄從汪賓翁師受業兄才名藉甚旋以冠童子軍入庠四載絳帷惟冶

鑄一枝小草撞鐘蓮壘高伯唱難吹律麾迺親顏慰過庭

是歲府君移藩吳會見余兄弟均游庠有喜色都道鵬程應濟美誰知瑁璫又伶

俦余兄弟博學儒才既不得一第又天年余復蹈躓終老

吾弟吾兒歲合符漫誇棣鄂與蘭株踟躕飲啄依籬鷄偃蹇

風雲伏櫪駒兩弟兩兄皆困場屋更歎寒庭芳樹盡欲傳舊硯一孫無

余兩子皆庠生長子及壯先亡次子由附貢援例郡佐候缺江蘇未幾亦歿一孫復幼殤卽今踽踽哀窮

獨老憶兒時轉自吁

讀書種斷己心傷况誦鳴鴉毀室章畢世窮經空皓首彌天

墮劫換紅羊半生殫究編就刊成春秋屬辭辨例一書全付劫火無家且倦依被翻庚申

辛酉罹難傾家遠客殊鄉飄零六載集泮誰聞好鳥吭今日天涯未歸去鄉園雖復愈悲涼

春寒病中王霞軒太守

必達

餽酒一瓮藉以養病祛寒

賦謝

送酒王宏慰病灑到臍醇味潤寒祛頓消鄙俗來佳士似襲醴香讀漢書晚歲艱難求艾藥春風容易暖高廬方知杜老悲辛處炙冷杯殘慘不舒

哭澤齋姪

與烈姪粵東縣令書來西江相招弱養余以病遲遲未行今姪捧檄權篆翁源余正擬

秋間赴署而忽駭聞捕盜遇害之變既痛姪之英才橫死又傷余日暮途窮也

飛來噩夢旅魂驚白日青天礚礚鳴能吏賢勞遭鄭盜雋才

橫死慘秦卿枉誇學識千人俊又慟門閭一柱傾星宿羅胸

花頃刻遙知痛惜遍羊城

姪下鄉治盜奮勇身先被賊斫臂指又分身屍卒之前被賊斫臂指又分身屍

垂堂莫坐况山深裘帶如何坎
筭臨賈勇鋤奸先一隊輕生
履險擲千金未騰驥足芳華掩如撒鴻毛玉樹沈骨碎魂飛
鵲夜泣親闈萬里可能尋

我正飄萍斷梗愁書來招共海天游
星鳥飛繞瞻佳樹月兔團藥待好秋
阮籍窮途逢變異鄧攸老境絕依投
兩番淪落無枝託惆悵江湖一野鷗

余老獨遭難來西江而失所依今將赴粵而又失所依

老獨非惟託此身父兄手澤要傳薪
刊行著作龍孫任貽翼清芬鳳羽振
一旦淒風催石火千秋寶墨付煙塵
悲懷萬種難傾寫幾事櫻心倍愴神

先大夫詩文遺集稿藏縣處云有餘力時任剡關之役又先兄同

甫公鑑綱詠略一書楊齋未及梓行者亦能任之今俱已矣

續閱粵督奏懌齋姪殉難事云本年四月翁源英德長

甯三邑之盜糾合滋事長甯翁源兩縣合剿與烈先往

偵探長甯與利波塘兩處土匪相濟爲奸卽會同營弁
帶兵勇搜捕行抵六里鄉盜數千人拒捕兵勇潰散典
烈爲土匪所戕營員二人亦受傷疏中稱典烈講求吏
治緝捕尤勤能往往身先兵役不避艱險今被戕害地
方失此一良吏深堪憫惜請 旨從優議卹以勵忠勤
疏中又稱翁源長甯兩邑屬惠韶兩郡民極獷悍明王
文成公勦泐頭墟賊稱爲官兵所未到者卽在其境其
人習爲盜賊無所畏憚云云則其地固古來盜藪所宜
整軍經武臨事好謀以治之而非可以一勇從事也感
事增獻紀 恩銜恤再賦二章

盜藪千年說泐頭文成當日運帷籌如何百里鳴琴嘯欲壓
三軍拔戟授將士惟瞻荀偃馬書生敢用冉求矛螳車彌顯

鷹揚志不負

恩綸卹典優

姪蒙 賜旌道銜
紹雲騎尉世職

一疏畱傳良吏名爲

朝廷惜隳長城雷封癘疥捐吾命海

國經綸誤此生半載循聲輿誦溥少年名宦史編榮不傷國
餘傷家棟梁木誰扶大厦傾

夏日百花洲江張二公祠觀荷

花洲舊水石祠宇新枿櫺窗窈窕曲廊逕鮮妍初日芙蓉波澄暑
氣散風好清香敷可惜此花瘦何如西子湖

胡筠生司馬

秉鈞

屬題補讀圖

人生壯學知不足悔弗十年萬卷讀補牢已歎多亡羊失禽
乃謀急逐鹿秋燈朗朗味醺醺快獲珍珠船滿斛未爲遲也
彼之功不亦悅乎孝先腹雖非初日之容光猶勝羣年嗟炳燭

六月十六日夜水觀音亭坐月

落日林邊隱清風水面生納涼褰屐集禮佛鼓鐘鳴貼水枯
荷盡牽簷野艇橫醉翁歸去早踏月帶餘醒

將歸武林畱別章門諸友

頽齡浩劫慘無家久客殊鄉滿鬢華瞻望茂林飛鳥託淒涼
斷梗旅人嗟余被難來章門依前建昌守猶子興仁處遭其病亡途窮骨月如零雨賦
去湖山但暮霞回首邱園頻濺淚不堪淪落老天涯

先公此地戟牙懸先大夫嘉慶丙寅開府江右在任五月移撫閩中過眼昇平六十

年喬木故廬今蕩析飄蓬衰髯太顛連鳳池游泳都陳迹曾在

內閣蠹簡編摩半劫煙所編輯經史集諸書半沈兵燹泮水鳴音懷我處今歲

七十有六爲重渾如夢幻閱滄田

窮民兼入難民行余子孫歿絕老獨流離苦備嘗况又啼鳥

頻繞樹依來江依姪興仁而失所依將赴粵那堪哀雁日尋糧

迴車阮籍迷途哭彈鋏馮煖食忙六載漂搖俄老及來江

今已六載梁園難戀且還鄉

故鄉兵火盡爲墟掃地難營仲蔚居但有蓬蒿爲戶牖并無
甌釜貯塵魚清風愧我豬肝客遠水遲君鯉腹書惆悵落霞
孤鷺外江波渺渺正愁予

八月七日章門放棹

雖深阮子窮途慨猶幸班生故國還獨伴影形無骨月未衰
腰腳憶湖山雨奇晴好存眞面水牘煙殘改舊顏 先廟劫
灰朋宿草那堪痛哭涕潛潛

同室交親皆異物故廬樓榭並焚餘空花一笑無何有孤鶴
重來不似初豈料耄年歸故土尙畱隻眼看殘書左目久但失明
能醉飽高眠穩甚事干卿莫問渠

阻風陶家漚

秋水長天孤鶩征收帆野渡滯郵程節過秋半猶餘熱風撲
船頭勸緩行醒夢鷗邊濤撼枕維舟沙際酒闌興欣隨舊侶
同川路暫慰天涯賦別情

王子槐少尹赴
錦山共路同行

初十日順風過鄱湖口

湖頭十幅軟蒲懸往復陂平道果然一事今朝差快意霎時
飛過幾來船

出瑞洪湖口

出湖川路水猶寬萬壑平波細縠環雲作鱗紋天卵色分明
畫筆學荆關

泊木枰灣

白波青樹屋簷環煙水依稀茗雪間拋卻頑山荒岸去夢魂

忽繫木樨灣

康郎山

樹綠山青到眼前
故鄉煙景意悠然
沿溪異孕雲精石
怪底林岩特秀娟

弋江道中

巨浸纔過又淺灘
愁風愁水路漫漫
休云咫尺如衣帶
百里川塗也大難

亂石驚湍界道長
浪花滾雪響泙泙
回思十八灘頭路
險阻艱難幸未嘗

今春畧
游不果

中秋弋陽城外

去鄉之日天中節
船樓設筵不下咽
今日還鄉逢中秋
弋陽郭外樽酒空
家家閉戶圍藥飲
不管餐風行客冷
方知生作

承平民一室良辰樂事神仙倫

河口贈別王子槐少尹 丙煒 并序

子槐蕭山人聽鼓章門甲子乙丑余旅寓適與結鄰
樂數晨夕今余東歸適子槐奉委鉛山釐卡差同行
共路旬餘至河口鎮分道數言志別

欣與宦游人天涯作比鄰還同南浦楫共醉弋江津冷驛娛
佳節孤舟集衆賓明朝分道去珍重各湘秦

河口雨後放舟

排列羣峯繞大河傍河水市萬家羅連宵長雨得天佑飛渡
百灘秋水多

更喜晴暘又順風一帆遙指信州東推篷四面雲山擁一抹
濃青雜翠紅

信州夜泊

灘水屋建瓴河燈光累塔順流隊隊來千點金鷺鳴

是夜所見

水碓吼風輪聲若虎嘯谷何如幽澗泉清響激鳴玉

玉山登陸至常山

郊陌彎環入小村牽牛花豔繞籬樊麥花細碎還飛雪水木
清華儼故園

深秋秀野似春腔袷服篋輿趁曉晴行路人稀兵燹後靜巖
時聽一蟬鳴

百里環圍嶺萬重天分江路各西東恨無力士開山術不似
邢溝水易通

邨落蕭條慨劫塵半無門壁半無人念家山破還愁見西子
湖應睂久顰

草坪嶺到入吾鄉蕭瑟營官此駐防步步行來風景別菱荷

香已送池塘

草坪入
新界處

歐陽飯舍再停車高日滄桑夢幻如故老歔歔談賊事六年

八過境全墟

中途飯肆主人歐陽氏卽五年前舊識

常山曉發

鼓枻下之江風日正清美淺灘波似練平野樹如薺把酒祝
東風我行勿尾止舉袂招西風一帆速挂起

暮抵衢州

一日到三衢城郊暝色暮兩岸林煙蒼一星漁火赤燈明關
城早日出趁市急樂土此僅存恨不停游屐

龍游

水勢龍溪平山痕斧劈大山城隔三里水市少百貨曉擔買

菜來扁舟如鳥過亂後慶安平驛候醒巡邏

蘭溪

澱水繁華銷一載初生聚市廛雖駢闐人家劇艱苦舊屋繞
蕪榛新垣雜敗堵尙恐武林鄉不如此片土

七里瀧

平川入富春紅葉青山綯幾曲山幾重一掩屏一扇終古嚴
先生高臺閱世變赤肩與銅馬往來可曾見

將至富陽阻風樟谿

出瀧過樟谿赤縣止廿里石尤阻我行跬步艱尺咫東風廿
日吹但見來船駛饕虐老病身伏枕嗟憊矣

次日泊富陽

夜雨打蓬喧天變風不轉朝雲吐山白百步仍在眼薄暮艤

山城枌榆瞻尚遠笑吟陌上歌歸歟且緩緩

富陽夜發

舟子呼招招乘潮夜棹發道路慶清平臥聽鶻聲撥且見臨浦人相對話飢渴何處卜吾居蓬蒿廬已沒

抵里過故廬荒址悲賦

破碎江城草木深桑田滄海見於今吾廬何在炊粱夢世界如斯對酒吟禍毀主客徒灑涕家亡翰墨最傷心從茲萬事全拋去一箇蒲團樂圖尋

吳子厚外孫招同居岳官巷仲雲親家屋

如寄吾身顧舊名流離終寄此餘生

余故廬有室名曰寄庵晚年卽以爲號寒

江遠去鷗浮月大鴈如歸燕繞楹蒿附松喬欣有託鳩居鵲舍樂無營匏廬何處非羈客且倚蒹葭結晚盟

亂後歸省 先塋拜掃敬述

蕺葛悲蒙蔓松楸幸莫安夜臺觀幻妄家舍歎凋殘夢覺黃
梁早功修白業完心傳尊七筆真要萬回看

雲樓七筆萬回看先公何也

哭亡友八首

羅鏡泉 以曾

著作推淵海襟懷共鷺鷥別帆成永訣驚魄遽潛幽

庚春余去杭之

日君匿跡鄉間旋聞病歿文字兼金鑄精華一炬投希珍尤歎惜千字百

篇搜君有考證經史筆記稿本二冊極精又集唐宋以後重

亦文苑之大觀希世之寶墨余曾為之跋君歿諸子復遭亂無人藏守竟俱毀失

魏滋伯 謙升

好友琴書護嚴城旦夕安重逢篝火警苦忍剝榆餐死餓死

兵卒人亡人剩殘都無消息訪慟哭蔓榛寒

君假居余屋辛酉冬杭城再陷

全室罹難是時城中先絕糧滋伯如何
身殉及其家屬子孫下落竟全無消息

楊綱士 錦雯

詩傑推王後途窮死越中不圖楊炯學竟作亞夫終懶鼓章
江榭空瞻太守驄一門同殉節蕭颯起悲風君餓死越中母妻同殉先一載
揚齋姪招赴南昌欲爲推轂君以家累故不就

王林園 未泰

王子精書算持籌會計工細書觀朗月浩劫付融風助我失
良友持家愁老翁不堪回首處黑寒與青楓君精會計工書算爲余守屋兼辦納賦筆計之
冊今俱亡失

陸綠飲 爾繼

麋鹿深山性松蘿處士家尋幽披短褐避世指蒹葭城上鳥
啼誤沼中魚伏嗟草堂凋謝盡北望慘悲笳君已得遠鄉遷跡之所聞警又

入城遂餓斃
城圍之內

高飲江橫

爭紹黃庭聖髯飄白傅仙高人尊翰墨老友伴林泉忽若流

川逝悲懷舊雨聯論書珍片羽遺蹟賸雲煙

余所藏舊書今止存宋刻黃庭

經一跋

王安伯 泰

米家書畫舫坡老醉歌襟昔日風流盛崇朝電火沈辛酉身

避弋何又網投禽白刃嗟終蹈招魂勸楚吟

君庚春已避處他鄉辛冬奉當

路招至杭賊旋接踵至城陷遽被戕

錢秋岷 廷薰

別輩晨星數一星又隕秋我來君恨化俄瞬屋山邱舊雨全

零落西湖少釣游當年五篇約惆悵綠楊樓

老友僅存如君者祇三四人耳

乃余晚秋抵里而君甫於初秋歿于杭
湖塋綠楊春舍君所築也亦全燬無存

哭金思圖孫壻 定 并序

前聞女孫荃辛酉冬殉節旣以詩哭之今返里知其
一子一女皆同殉其舅翁于翰亦同時歿於江村惟
思圖遠避獨存去年歸里得族中授讀設帳處方冀
其勵學成名承先裕後也乃以憂患之積沈湎於飲
今夏又忽天亡家傾嗣絕驚痛悲慘更不知涕之何
從也

孤孫女貞木瘵骨銷飛煙一雙小兒女相從溝壑填有翁在
江濟飢病先重泉覆巢無完卵搖落堪傷憐夫壻讀書種博
士弟子員遠遊幸獨活棄筆端崇川駭去身歸來同族安青
甌形影雖顧弔門閭須繼傳奈何意忿捐不願孤生全詩書

輕詒翼承啟忘後先箕踞枕糟麴白眼看青天書空殷浩癡
荷鋤劉伶顛一朝不解醒甘以浮生捐哀哉世美胄頓盡風
流賢悽聞一家哭痛無一綫延吾孫命不猶汝宗亡忽焉豈
特遠歸叟握手嗟斷緣悲來胸湧洞泣涕徒漣漣

初冬舟行

吳江楓落後吹面凜霜天村釀顰眉飲寒衾縮腳眠板橋晨
展滑船火夜星懸魴屋欣無事披蓑擁一編

松陵道中

橋市陂塘盡草萊淒然道路亦摧頽但餘鶯脰湖中水如舊
澄波雪練堆

吳門歎

言來豔說兩天堂今日蘇臺略勝杭也只市廬存一半可憐

金粉盡銷亡畫冊何處笙歌地茂苑都成瓦礫場南國鶯花
千載歎那堪奇厄太淒涼

別舟甫五弟九年矣亂離中相隔計六載今弟閒居吳
會余歸里杭一葦而來旣快蹤跡之近晤聚之速與遭
亂後老耄手足之並存又痛念憚齋姪之變故欣悲交

集感吟二律

六年離亂別二老弟兄存死裏生真倖劫餘情更敦閒雲安
冷宦落木歎衰門顧我番番影燈前喜共樽
擎厦一枝木有兒千里駒傷哉姜又弱顛矣相誰扶淚比滄
桑甚人求俊傑無不堪零落感相對但長吁

烏戍溪村

幽港彎環烏戍村平波如鏡繞橋門枯桑賸葉攢鴉點寒荻

經霜淡粉痕淺岸天垂明遠樹落霞雲壓誤朝暾小溪水木
偏明瑟殊勝大隄荒草原

泊新市紀游 并序

吳中荒煙一片而是村百廛萬戶無物不有連衢深
巷觀之不足凡菽粟布帛飲食珍錯服飾綺繡錢幣
瓊寶銅錫玉漆木器用各肆舍羅列駢闐每一肆
之物多有盈千累百者訪諸土人謂是鄉已焚毀殆
盡此皆賊去後一年中新築創設蓋掠取販鬻浙西
吳下諸郡邑物者居業於斯也感而有作

吳地荒煙一片蕪荇南舊市改新模水鄉粟帛通千船廛舍
琳瑯入五都豈是遺黎生聚連頓教貧子篋囊腴栽培傾覆
天何意如幻間看萬變圖

今夏在章門得杭州薛慰農觀察書勸余歸老將爲代
謀棲身餬口之計迨秋間抵里則觀察引疾將去浙矣
幸承披拂彌悵別離佩德感懷率書一律

乍聽鵲啼書遠到忽瞻鵬息秋輕分還鄉千里剛謀面歸岫
孤飛但仰雲慰別春風欣送暖衝寒秋雁感離羣人生動與
參商似再出東山望眼殷

呈蔣鄰林方伯

召伯甘棠卹伯黍民心大悅士心歡殲除羣醜天螟淨休養
遺黎澤雁安坤轉乾旋才特大海涵地負事無難武功七德
兼文治第一麒麟閣上看

何幸飄蓬枯木叟得蒙鞠育昊天恩未瞻顏色先因指乍接
音辭已纘溫衣食室廬全煥咻困窮老獨復安存大裘欣共

杭人覆願永春暉到子孫

喜晤老友曹葛民

補

晨星求夙侶舊雨得耆英漢學尊劉向秦經守伏生觀天辰
緯察談佛慧燈明開逕來三益欣然對字衡

與君居近接

贈吳康甫少府

延康

一官烽燹後雙頰雪霜繁乞篆銀屏紙揮毫鐵限門書知筋
骨健貌似鼎彝尊好古旌忠志樽前與共論

招九姪

興顯今改與岳

來依膝下喜賦

無執巾人撰杖兒數年孤影一燈知厄匪篋襦躬攜取冬夏
晨昏孰護持今日阿宜歡侍膝老夫伯道喜舒眉服勞好學
多材藝願爾明聰聽訓彝

臘月初四日初泛湖上游歷新築勝地六處

畫棟水中央四面雲屏繞依然西子妝雨奇晴亦好

湖心亭

峩峩岳王祠魯殿未全毀精忠鑠白日黃巾亦氣餒

岳王廟

北山講院開新舊碑碣讀兩齋舍館宏多士膏晷足

崇文書院

林墓封若堂畫欄俯新閣須補數枝梅並招孤山鶴

巢居閣

崇祠照膽臺面湖補行殿於鑠舊威靈永護金牛現

照膽臺

勸學並尊經再起阮公舍看經樓已亡占勝此雲榭

詒經精舍

湖上白蘇二公祠嘉慶初年建於孤山下二隄之間六

十年來春秋祀饗不絕每逢正月二十日臘月十九日

二公生辰里人釀錢設醴展拜薦馨余與祭以來亦三

十年矣兵燹遭罹烝嘗闕絕庚申之春余去鄉井冬間

老友滋伯寄示臘中感吟詩讀之已深悽愴迨辛酉冬

故鄉復陷老友云亡今收復後余歸故里於臘月至湖

上既歎祠宇鞠爲草茂又悲故人身逐烟消逢醑酒之
辰更不禁痛哭流涕長太息也感成二律

遺愛名賢景宋唐生辰臘奉烝嘗兩重祠地連楹奠六十

年來一瓣香烽火西湖悲茂草寒泉秋菊憶書堂

蘇公祠位之右有讀

書堂阮文達公題聯云欲共水仙薦秋菊長留學士住西湖

雙隄千古何興廢自並山高

與水長

歲晚山空冷一奩幽蹤每憶故人聯西冷樽共西齋畫北郭
春連北嶺煙湖幻秦灰昆水劫魂哀楚些大招篇柘漿蘭燭
無陳處斜日悲風淚獨灑

附錄滋伯庚申寄示之作

臘月十九東坡先生生日湖上兵擾蘇祠陶祭感成四絕句

魏謙升

澤深湖水築祠堂六十餘年奉瓣香與祭卅年今歲闕恨

由兵燹失烝嘗

歲歲西齋祀事修黃柑絳蠟酒盈甌畫垣比似靈光殿笠

屐圖焚此尙畱

所藏蘇公像甚多兵火焚盡惟西齋畫像一壁猶露立榛莽中

能兼仙佛吏才難

余蘇祠舊作句

安得於今此長官祠宇寂寥門

葦掩湖波如鏡照人寒

道家奎宿說非訛靈爽在天長不磨豈必生辰歆薄祭轉

因時事痛心多

歲暮書懷

耄及歸來任笑呼鄉人指我說桑榆齒牙眼耳三官廢香味
色聲百念無垂暮難安勞境界養心患少靜工夫偷閒覺路
金繩覓驚擲光陰過隙駒

乙丑除夕

爆竹聲非昔屠蘇酒且賒餘生貧到骨樂土佛為家扶老仗
丹藥戒吟枯筆花萬般心不著清淨數年華

丙寅

丙寅元日

清且聞啼鳥春聲入耳和釀晴微雨過吹面嫩寒多市遠無
車馬窗閒試墨螺園梅堪折供香影共婆娑

奉贈秦澹如觀察 細業

昔年班尹比金蘭浙水高軒德蔭寬 尊公小峴少寇世丈與

倉場公相契千載白蘇香一瓣兩碑秦阮像雙刊 嘉慶初年

達官浙中建湖上白蘇二公祠祠側刻兩先生小像二碑

嵌壁間其後里人因增築阮公祠祠屋今歲六十餘載

雖全毀而尊公像碑適為君所得洵嘉話也三千劫界重興

業六十年華再蒞官豈獨紀羣聯世友舊祠新澤永湖國

程容伯光祿

恭壽

南旋喜晤瀕行贈句病中率

和家子

窮獨兼顛沛餘生苦備嘗歸來無壁立老去太神傷提挈親朋少扶持骨月亡頽齡貧且病欲訴意悽惶

故望逢君至因緣聚散萍恆沙嗟浩劫舊雨數晨星蹇步湖山負枯腸文字停不堪衰朽狀慚愧限垂青

附錄贈句

仁和

程恭壽

同輩已無幾况公吾父行殘山兼賸水猶見舊靈光老去豪情在閒來道味長一椽今寄廡回首總神傷

四十年前事宣南憶典型金臺德星聚綸閣大賢停豈意滄桑幻翻令醉夢醒重來親杖履彷彿在髫齡

送別蔣薌泉中丞開府粵東

榕臺開幕府梓里失瞻依帝倚大川楫民懷冬日暉推韓

勲遠屈借寇願偏違待建連圻節重臨布德威

覆護援飢溺恩勤到毫窮大裘溫凍骨廣廈坐春風旌旆飛
瀛海謳歌載華嵩卿雲昂首祝頭黑位三公

靜坐偶成

著述圖書付海桑田園蕩泯子孫亡黃梁一覺全無有何事
人間夢不忘

世界風輪電火如故家朝露枉嗟吁千年萬事烟雲過蛾繭
蜂窠總自愚

衰病孤貧百慮空此心槁木死灰同無安樂處樂天在豈戀
餘生濁世中

消滄海總堪憐丈室圓蒲寂萬緣了徹虛空何罣礙妙香
月正對蓮蓮

慰農觀察來游示讀去杭話別詩四章依律奉和

白蘇再見慶澄清勳業風流並抗衡
洗滌湖山殘面目撫安閭里舊鸞耕
量涵海國才偏歛名在杭州宦亦成
贏得去思爭指說恩波長共兩隄橫

二千石已位堂堂止足羊公善退藏
方展扶搖能息羽未躋崇峻易收疆
黍苗夏雨留輿頌尊鱸秋風動客腸
脫卻朝衫披野服林泉歌嘯傲羲皇

東山未易臥茆茨舒卷行藏道有宜
大旱爲霖需濟世片雲出岫亦隨時
飛還暫脫籠樊悶歸去毋吟倦鳥辭
十載棠陰游宦地不妨烟水且栖遲

招我還鄉尺素書曳裾誰料又分裾
臨歧贈策窮途託入坐生春廣廈居
借與一枝斜照裏相思千里落楓初
感懷離緒

交綦處忍聽驪歌老病餘

擬淵明飲酒詩

寄廡一枝棲掩關終日坐門外蓬蒿深梁間燕雀安入室清
風俱滿庭明月可引觴樂簞瓢萬事付懶情

浮雲幻蒼狗落日懸金烏大夢覺逆旅餘暉馳須臾域中何
所繫身外何所須忘情一樽酒薄醉遊華胥

多病愛身閒久衰嗟歲晚霜雪蒙頭盈山水舉步蹇液枯索
詩腸霧滿看花眼陶寫無絲竹披吟廢書卷冥心不役形養
和託壺瓊

故人化異物少年疏老翁舊雨與今雨並少羊求蹤客過弗
迎送清談樽不空門靜無剝啄妙香鑪自供怕經黃公壚懶
扶阮子筇心遠塵事屏舉杯邀月同

題鄒蓉閣主簿在衡近稿

自古詞人世變持淋漓大筆請纓時江關蕭瑟蘭成賦騷雅
離憂杜老詩擊楫中流何壯也揮毫上馬兩兼之吾謀不用
悲歌切太息鄉園厄數奇武林未陷時同鄉京職公函乞三
江大帥集眾軍併力援保省垣屬
君緒文未能如議

似海如潮氣壓吞金銀宮闕爛排雲客懷王粲登樓興誅筆

安仁述德文

集中自紀一門殉節之人四言長什立
言敘事清穩樸堅突過昭明選中諸誄薄秩未

堪酬偉士仙鄉殊樂作神君

君有戰松陵大功僅以主簿
擢用近權蒙洞庭東山巡司新

吟一卷存詩史青簡他年補軼聞

蓉閣丁未歲北行同人餞別圖卷亂後失去復得重裝

屬題卽次自題新句韻

滄桑廿載卷重開凋謝當年幾輩才舊雨晨星無限涕名駒

委蛻更堪哀

卷中典烈余猶子也別遭盜難被戕

羨君合浦還珠彩傷我珍厨

付草萊不覺人琴禾黍感萬般酸楚一時來

余歸里後武林郡庠縣庠重建甫落成乙丑歲試於丙寅之秋補行余仍得逐隊入學觀禮文宗吳和甫少宰爲題立重游泮水榜于郡庠續紀二律

乙年試事丙年行恰使歸來伴後生清廟駿奔新俎豆綵旂鸞喊盛衿纓虎臣獻馘弓韜韞鱸茹寧香酒滿翼慚對青青黃髮叟羨他玉筍綻春英

榮華都付夢梁炊椽筆何須一勝題不幸長年逢蟻賊那堪回首憶鴻泥郭東周子徒憂杞城北徐公賸刻梨

雨亭觀察徐明經大

佩皆近人重游者周以賊警戒嚴之前未遑立勝徐則僅存一額于西湖講舍徵倖龍鍾追往躅阿婆還仗少年攜

閻內典偶成

飲酒不行惡終身飲無礙佛與祇陀言經文法語在身口意
三業未嘗酒必戒不殺生食肉清尊蔬果快不沉湎號呶溫
克威儀泰銜杯聖賢樂養生老病賴白蘇皆耽禪醉吟亦奚
害未會有經祇陀太子白佛酒戒難持佛言汝飲酒時有何
惡耶答曰得酒念戒不行惡也佛言若如汝者終身飲酒
有何惡哉

行欲苟無心佛不以爲犯是知惑溺者心逐物情轉狂象入
深泥癡蛾裹密繭苑轉禽投網綢繆獸縛檻蝶戀芳蘂迷蜂
抱香蜜吮若風水遭如花鏡中撚行雲了不著連環亂絲
斬淨諸業障經無垢光比邱遇婬女呪術行欲投佛自責
佛問汝有心耶曰我無心佛云汝既無心云何言犯
知足貧而富安樂蠲苦惱浮空香華雲幻色莊嚴好不住施
福田無相尊法寶明鏡非臺成菩提非樹繞本來一物無何

假塵埃掃飢飯困來眠與汝安心了

四十二章經欲脫苦惱

貧而富金剛經菩薩如是布施不住於相傳燈錄要假智實

以明法實又云於諸物中不起無相明鏡菩提慧能大師語

飢來喫飯困來即眠海

慧禪師語並見傳燈錄

忍辱古仙人割體弗校計火坑與毒食心捨冤親地傷人自

持歸惡口枉罵詈如刀斫虛空無著無所累瞋恚泥自封愚

癡雲自蔽四相人我泯五濁煩惱棄憐憫彼頑駃靈臺何忿

憶釋迦佛往世作忍辱仙人於歌利王割截身體無瞋恨見

金剛經華嚴經論尸利鞠多設火坑毒食害佛不得世尊

說偈曰起我我無瞋久捨冤親心四十二章經今子罵我我

亦不納子自持歸禍子身矣大乘法界論如金山被瞋恚泥

所封著虛空被

愚癡雲之所蔽

樂壽軒詩鈔卷十二

錢塘 張應昌 仲甫

丙寅 餘生草

九月既望恭詣天竺瞻禮

變幻蓬萊境重來越七霜昔年金布寺忽地火炎岡處處鐘
魚歇山山草木蒼幸瞻新殿起香火已成行

佛曾經十劫聖自在中天慧日何能毀妖烽太放顛寂寥飛
鷲嶺蒙蔓伏龍泉獨喜開蓮座增輝一鏡圓 蓮座前一準提
大圓鏡兵燹後
得於他處新設
立者前所未有

步登韜光

不圖年及耄扶上磴千重蔓盡篁雲徑燒空海日峰金蓮開
古沼石穴邁潛龍惆悵梁碑蹟名山失舊蹤 前以山舟學士
正書方伯國棟

公重建普圓院碑墨蹟存庵中並撰詩跋紀其事詩見前卷
六此碑昔在韜光之西普圓院中為乾隆四十五年續增勝
景之一西湖志續纂未及載入者越六十載院燬碑亡已久
墨拓亦絕余幸獲此墨本裝冊送藏隣庵勝地乃此冊遭兵
燹亡失余家錄存碑文之稿亦遭焚毀
此碑此文竟化為烏有矣為之三歎

宿雲林寺十七夜待月不出

霜林絢九秋雲構完兩亭
冷泉迥龍雨亭重修甫成恨無好月來照此好
畫屏暝黑亭陰坐相伴一燈熒歸寺掩扉臥夜雨欹牀聽

冷泉亭曉坐

山亭新構成丹黃秋樹繞雨過翠微潤日出白雲曠樓臺雖
已傾礪壑依然好待疏龍泓泉洗心鑑靈沼
泉壑處漏處須浴治

十八夜亭間待月上

二更山月起松頂推金盆羣林現一鏡疏密黑白分流泉不
漱石萬籟靜無聞霜寒薄袂怯捨月還山門

過湖上萬骨冢悲賦

驚豁欣蒙掩形骸慘不分一坏同混沌萬鬼雜紛紜義骨成

京觀寒燐結暮霧那堪仙佛地罹此劫灰焚

宋塔殘陵寢

元楊璉真伽發宋諸陵將以骨築塔唐義士收骨別葬于山陰

秦臺聳觸髅連

勃勃以戰場尸築觸髅臺

豈如仁政澤慈卹義民儔恨乏山陰客能分涇

渭流古今千載事涕淚滿杭州

雨中訪雲棲寺

冒雨涉江潏繞郭山翠沈蔓草幕郊路冷雲堆遠岑數間茅
板扉孤倚寒江深輪峰失琳宇空塔支荒潯潮痕漲秋晚巖
溜垂厓陰龍隄遶雜遘鳥道行崎嶇迤邐至范村寂無茶甕
尋七佛騰孤像四山喧衆禽欣過三聚亭新篁已成林雜以
霜葉黃間以喬木森四亭快迎目一湖堪洗心殿閣無片瓦

塋院留遺簪莊嚴洵夢幻三復七筆吟閱歷六十年盛衰感
昔今虛空何所住發省晨鐘音秉持竹窗訓淨業蠲塵襟

雲棲寺訪殿壁所嵌先大夫正書精刻經咒冊墨刻

十石又正助淨因冊墨刻二十石庫屋所儲銀木大楷

三經法要冊又選刊藏本報應經一卷又撰刻徑中經

又經四卷同生錄初編四卷二編二卷戒殺放生詩解

橫幅前定不定錄一卷板片印本皆全付劫灰悲感曷

已今應昌應濟處僅存正助淨因冊墨蹟三經法要徑

中徑印本一餘皆無拓印本寺中尙存殿庭立碑一

先大夫所撰重修寺碑也係汪君定齋代筆非自書也

楷法禪宗重尊藏五十年誰知遭楚炬忽地化秦煙經像同

塵劫先公助裝經香花息梵天一碑雖僅在手蹟已無傳

讀南史梁蕭恭傳

仰看牀屋手披寫千秋萬歲誰傳者何如朗月清風前放懷
山水酣歌也蕭恭此語誠達哉世人自苦真可笑勞費精神
了無益朱顏俄改白髮催酒盃歌管遊屐樂裹足埋頭都屏
卻佳日甘爲筆硯磨畢生多負雲霞約專愚自古書癡嘲我
更紅羊浩劫遭卅年夏扇冬槩瘁一旦秦灰楚炬銷少壯歡
娛等閒度獨抱遺經又乖誤縱有殘編餘燼還不得其人孰
傳付言之奚補亦難謀落日窗前不可留讀書竟誤人生事
騰笑山中猿鶴儔余以三十年之力編就刊成春秋屬辭辨
遠處覓得印本存之是編六十四卷且卷帙皆長無力重梓
至未刻之書有存稿者南北史識小錄補正二十八卷
朝詩鐸二十八卷重訂趙氏本草綱目拾遺十卷皆
無力刊刻恐遂湮沈也以上各編汰畧俱見雜著中

寓隣寄園茶舍山石小築朱君西泉供菊題句次元韻

買隣勝買宅寄庵來寄園心遠入境偏徑荒松菊存花屏繞
巖岫茶煙颺柴門七椀興未已持螯還攜樽

伊人在何所言懷城東園昔日萬花谷圃地今猶存何時樵

薪子重啟薜荔門更送淵明酒同傾文舉樽

昔項秋伊叟薺蓉菊花大而盛

園名可義在郭東叟以樵薪爲業亂後人離業廢而地存

爲人題大癡山水障子

羣山萬壑赴荆門子美詩句殊有神大癡縱筆寫丈幅層疊
蒼茫詩意真突兀空堂煙霧起淋漓元氣滄洲吞萬仞巉巖
極天際半露飛泉半入雲飛泉百道挂寒瀑湍流百里奔江
津仰看蒼蒼翠翠裏高田疎屋藏山民倚阜臨流足薪稻白
水青疇浩無垠大江滾滾向東去數峰對面涵齋淪對此便
欲寄曠快青鞋布襪攀嶙峋

十月初四日出郭至留下

捲地涼飈起荒原走亂雲風蘆翻雪片霜葉舞霞紋客袂寒
生粟村茶暖若熏停車溪市裏得酒意欣欣

入餘杭山中

溪流環繞禹航區旱歲豐秋足稻稌夜夜紡車忙績婦家家
鶯磨樂田夫初闢蒼蘆藍田玉誤認梅英野岸蘆葦屋數間
餘燼後但能飽煖卽歡娛

山居雜興

溪山朝夕總蒼茫幅幅天然圖畫張蕩漾一珠澄水月丹黃
雜組滿林霜暮雲羃樹蒼煙重曉霧橫山白練長到此塵襟
消滌盡悠然魚鳥共相忘

杭地人稀甌越多杭田半作越甌窩芋畦廣陌開廬井茶隴

香風勝麥禾雖是吾鄉遺子少其如習俗情農何而今數畝
山塋側臥榻酣眠一任他西鄉田爲畝越人占者久而多
余塋地側鄉民之地亦售與之

閑林鎮

稽留峰轉處石逕達閑林曉市饒魚米荒村足釜鬻閑排溪
艇小幽遶徑雲深亂後猶生聚偏鄉慰客心

去秋遷珮琚柩隨同歸里今冬甫得附窆於石壩漚姥
嶺下韓恭人墓余壽壙亦在焉恭人前葬處厚兒誤從
地師改向偏側身湮今仍遵前地師指定高坡正向之
穴遷窆事竣紀之以詩

客鄉淒絕客魂孤歸櫬江皋亦旅途今日教卿安宅穩餘年
了我俗緣逋肩隨江汜同棲穴石化山顛待采蕪堪歎吾生
涯亦有願皈樂土出塵區

十日經營十日晴泉臺正位祝康寧轉衰爲盛天宜佑極困而亨地或靈二嶺旁扶明擁翠臺峰對峙爽延青及身自了歸根願更種芳林繞墓庭

墓在元寶山下右唐崔左姥嶺余有題墓滿庭芳詞擬植梅桂繞之

西溪泛棹

際曉搖孤榜沿山幾曲旋艇來人入畫日出水空煙遠樹溪光綠喧漁竹漚連扁舟三兩過幽絕尚航川

訪洞山古洞

俗稱仙人洞

姥嶺往來久不知路旁洞鄉人開指點努力踏霜凍攀葛緣仄徑豁然現鑿空斧劈二仞開麗張一門直前旋若螺殼深裏如繭窠聞說乘炬入蛇蝎聚無數里達洞山恆無奇客共洞前屋軒然破寺壞佛供僻陋此山居避兵無罅縫大千佳勝區盡爲蟻賊闌院碑題天圖更無文字誦

壁間立一石題曰天圖院

碑而未刻碑文院外兩山夾宛似韜光棟山無百仞高目已千里縱
西谿田塋間禹航峰嶺衆一塔遠樹立萬戶炊烟重昔年負
登臨今日蒙榛蕪與我墓舍隣惜無酒樽送他日魂魄來儻
結遊仙夢

過滋伯北郭舊居處荒址

散花灘上春山堂保俶塔後北阜園翠浮高閣西齋廂中有

梁鴻偕孟光芝柏道人

滋伯晚號推詞場西溪漁婦人別號和

鳴鏘子野翰墨兼文章籜冠芒屨儕類皇閑徑三友來山房

蛩駟一楊與二張

君偕制士顯梅與余爲游賞唱和偕

一日不見三秋長登臨

唱和恣徜徉頽齡吾忝杖下鄉老懷勝賞欣樂康誰知浩劫

遭紅羊黃巾蟻賊橫披猖湖山聲鼓喧漁陽北郭先受池魚

殃圖書翰墨與屋廊盡付兵火銷滄桑不徒家破兼人亡悲

哉死別魏與楊吾急出門奔南昌天涯淪落逢憂傷漂搖六
載艱阻嘗歸來三徑茂草荒形容衰槁神懷惶借枝寄廊啼
飢忙獨行踽踽還涼涼舊雨數點晨星煌同人于宗碩果餘
一枝邠桂揚孤芳韻梅無恙且登賢書相見雙淚垂淋浪西州門外黃
壚旁那堪重過摩詰莊羅含宅裏飄秋香今日野草芸其黃
子雲門前載壺觴今日滿地蒹葭蒼田園眷屬醒黃梁著作
才名亦曉霜對此爽然與世忘

滋伯前贈方竹杖并手書刻其尊公春塋文銘詞余避
亂時止存此一杖攜隨六載去冬歸後出門舟中失去
悵惜久之今冬復至前買舟之所知前舟子檢藏以待
賞其完璧之美不辜亡友之貽欣然紀之

南嶺松顛餘

方竹出南山理安寺松顛閣旁

西齋座右藏

西齋滋伯齋名

丈人銘法

古

銘曰直節不撓惟爾之操

亡友隸摹唐珍重貽瓊玖倉皇伴橐裝而今

無長物只此得隨行形影相依倚關河賴翼助奈何嗟失鹿
難與補亡羊完璧相如蘭還珠太守嘗別來年已匝恰又月
逢陽恍視良朋面彌珍古幹方自今加護惜扶老益康強

十月十二日放舟由櫓李至吳門

放船猶是去年時黯淡楓林氣候差霜早風多寒料峭中人
客袂已先知

由學新塢起崇塘十室繁華歎九空徒憶鴛湖歌百首街橋
角里接宣公

極目荒原驛路程竟無佳語大河橫不如溪路存幽勝雞犬
桑麻盡裏行

一帆風正到松陵怕訪垂虹舊驛亭今日三高無隱處竟天

烽火徧巖厠

唯亭夜泊

千家瓦舍互河濱亂後安平見此氓前度鴈鴻哀滿地庚春過此
難民今朝草木悅回春客船高枕清眠穩戍候深宵警柝巡
絕勝玉山堂外路顏垣荒郭杳無人

黃渡

長虹橫處暮煙平繫榜荒村少市聲水淨泥沙波浪闊洪流
淼淼夜潮生時方開河

滬瀆夷場

亭閣曾從畫裏看而今身在畫圖間樓船渤海衝津淀祆廟
奇神嚇鬼蠻變製銀錢圍法亂烜陳淫巧市情姦違人祇爲
孳孳利

大德柔懷可格頑

申浦至鐵沙

潮送蕉舟扁長江入小川蘆根籬入畫楊葉岸搖烟窰室燒

灰石鄉船載木棉桑麻雞犬地游宦亦神仙

時余弟官是地

斗大沙城小天長海濫寬防邊桴鼓靖力穡井閭安紅女機餘布青衿服渺統泱泱瞻表處只是烈風寒

泥川觀劇

十年不聽吳宮曲村笛山謳滿胸俗今朝重按郢中聲白雪陽春雙耳明相逢翠舞珠歌隊況是玉樓金勒地廣寒官府奏鈞天飄飄欲作凌澹仙雖是蕩陽聲鼓後猶存白髮龜年雙開元弟子老伶工高唱名詞梁伯龍

吳中樂部名優亂後僧有存者

清切

綠雲過雪退一聲貫耳三日在團花簇錦脆箏絃繁繞餘音

客枕邊

滬川歸棹由青溪至嘉禾道中

朔風欲雪轉晴霄送我歸航趁午潮
茆店板橋霜月裏擁爐還把酒盃澆

棉葛橋邊白鶴村千家臨水足雞豚
雖遭兵火多殘破耕織猶能本俗敦

青龍鎮是古由拳水市東西萬戶聯
橋外大河天樣闊雲烟清遠似苕川

青浦爲古青龍鎮近太湖多大河

笠澤彎環到禦兒蘆墟瞻拜古神祠
唐宗帝胄昭靈號廟貌歸然在水湄

蘆墟城隍廟祀昭靈廣佑王李唐之宗室藩王也粵賊至此已燬前殿此殿獨得不燬

石門舊鎮換新椽粟布駢闐憶往年
挑菜豢羊聊永日幾時能復故園屋

一月冬晴護客艤風雖破面日烘窗綠波蒼樹如春靄踈蹢
衰翁興未降

喜幼孫宗延來侍

慧龍來鄰下芳樹補庭前幸免孤幃獨相期舊硯傳從頭謀
養正步武望齊賢數卷殘編付迢迢遙暮年

悼子婦陳氏歿于都門

骨肉凋殘到爾終獨存碩果一衰翁自傷日暮依梁燕聊慰
燈孤負子蟲望母憐他瞻弗及撫孫嗟我事無窮嗣孫甫來已失嗣母
人生聚散皆泡影猛省愚癡萬慮空

前與山甫弟約以其側室之次子嗣陸姬爲子旋因亂
離之後弟旣旅歿姬亦身亡死別生離未遑聚首余歸
里適此子來依侍今陸姬旣葬卽踐舊約以典岳嗣姬

後系之以詩

長憶朝雲侍大坡，捧區弄翰蹙雙蛾。如瓠挂腹沈疴抱，無燕投懷吉夢訛。接木移花盟在彼，飄萍斷梗命如何。慰情勝下兼泉下，生死團樂補恨多。

汪三子用

會唯

以亂後所存東軒吟社圖卷見示感題

四絕句

東軒汪小米書屋也結吟社久道光壬辰費曉樓并旭寫圖黃蘗泉土珣爲記寫像三十七人

雅集圖傳卅五年，餘生重展涕潸然。豈惟宿草晨星感，各

家園墮劫煙

家園逆旅任蒿蓬，痛哭圖書一炬空。冊府墨林銷滅盡，此圖

何幸返軒東

軒東畫裏未衰時，小友而今短鬢稀。顧影龍鍾慚老醜，登臨

著作事都非

卷中家同莊詩指余爲小友以童試時曾逐隊也

心灰著作倦登臨惟有良朋樂事尋舊侶三人存者僅可能
樽酒續題襟圖中今存者吳仲雲督部汪小逸大令及余三人而已吳汪客于晉粵皆未歸

費曉樓依舊草堂詩詞遺集汪子用避兵攜藏之今將
代梓屬題率成四絕句

揮灑煙雲記昔年留傳珠玉讀今編畫中詩與詩中畫雙絕
分明是輞川

占得江山秀氣多墨花驅染句吟哦蒼川清遠湖明聖都向
先生筆下過

東軒雅集比西園諸老鬚眉照眼前家法丹青貽令子海壖
大小李名傳哲嗣餘伯傳家學客于涇川

外孫幼婦雅詞新一卷長留仗手民無限秦灰埋著作誰能
情重似汪倫

子用見示兵燹後裝藏尊公蓉垞遺繪山水大冊屬題
君家藝府學淵源自寫煙霞臥小園氣韻渾雄宗北苑風流
儒雅接東軒吉光片羽完秦璧尺幅長縑重魯璠能守清芬
吾愧羨痛心遺墨劫灰燔先代撰書翰墨被燬不少最痛悔者詩墨詞翰五大冊寄存不愼亦無存

垂暮

垂暮弗安適窮途誰慰矜枕衾醒獨旦書牘寫殘燈老疾貧
難養飢寒逸豈能孔顏真樂在自有道心凝

挽許文恪公滇生冢宰四律

憶我同懷弱冠時兩家昆弟結連枝君及尊兄玉年公與兄結爲兄弟玉年公居長先鴈行雲友慚龍尾三筆鑿坡續
兄次之君又次之余最少
六詩君兄青士公入翰苑君繼之三十六昆弟行次也三筆六詩宋劉孝綽語元凱高陽門特盛

才名伯氏數偏奇

許為高陽氏先兄才名君所推重竟不第而天

文章匹亞升沈

異惆悵曾賡落葉辭

先兄癸酉下第賦落葉詩君和之

壯歲東華踏軟紅青雲仰羨遇風鴻西垣我乍簪囊筆東觀

君方采藥籠

道光初余以賸餘還充實錄館繕書之役君適以編修為提調

俯資江都青

眼客

余辛未禮闈以經義為四書女主司斥之本房董小植太史槐惜倍至代刊五經藝

仰欽諸葛黑

頭公自慙伏蠖吟歸燕翹聽高岡鳳翽桐

吏部文章北斗尊故鄉遲侶愛金昆煙波鷗夢盟秋水雪嶺

鴻蹤又玉門

余道光初年歸隱後五年兄樂數晨夕旋游宦甘州而遂承別龍虎各傳吳蜀

譽壘篋皆其酒樽論以兄事者如斯逝吾亦桑榆景迫昏

窮獨流離我備嘗孤嫠弱息亦殊鄉尋巢飛燕栖梁棟倚樹

蒹葭兔露霜飽食煖衣忘旅困養生恤死受恩長

余子婦陳氏君之妹

甥也避難時隨母入都依煖母居數載

仁人方祝期頤壽忽

鍾時病歿京寓病中身後備蒙恩恤

爾騎箕慟別腸

除日立春

歲如赴壑蛇餘尾春已生池草動菱爆竹聲中青帝迺晨蘇
酒裏豔陽回雪畦待補東臯麥日氣初肥小院梅又見韶華
煙景召杖藜迎歲樂銜杯

丁卯

人日對雪

三白祥雲補臘中歲初霑足兆年豐沾來村酒盈樽緣勒住
庭梅一樹紅詩思草堂歸鴈後春痕柳絮斷橋東更欣穀日
迎朝旭便擬湖邊喚短篷

呈吳仲宣制府

瀧岡碑讀治弓良家學廷楨偉棟梁河漢江淮全管領水金

土穀總平章練兵立奏登壇續足食飛行輓粟航秋晉連圻
階極品更敷霖雨到嘉鄉

愛書好士意循循陶冶儒林仰大鈞餘燼秦灰三篋補旁搜

魯壁五經陳珠船快獲邀欣賞薪火能傳念苦辛

拙編南北史議小錄

補正一書蒙欣賞欲付梓獨惜一編麟史富冊年成就又沈湮
余舊刻春例編竭四十年心力成之願為研經者所許板片印本悉付劫灰今從遠處覓得印本僅存書以卷帙繁重竟無力重刊

仲雲親家將歸葺屋以待工將落成賦此

畝宮多炬毀廣廈得材全

兵燹後大屋多存以賊居此故補闕完輪奐刪蕪

引沼泉芳庭還玉樹吟社峙瓊筵日款蒲廬沒鷓鴣寄一椽

初春至三竺疊已未春韻

春至遊人動雨餘香客稀
晨風山黛寫灤玉澗泉飛松里成
青野林亭仰翠微
惠風佳日近料理辦春衣

晚春展祭西溪遂登午潮山瞻禮同春觀

佳日風雨無春陽
暄澗谷松楸旣拜掃
原巘恣眺矚仙觀
懷瞻恍耄年補遊躅
短輿竹雙肩密磴蟲
百足鶴步行蹒跚
螺旋意騰蹕忽見羣
嶂合俯視衆巖伏身
已干仞躋仰更干仞
轟九轉入雲中盤繞
峰九曲曲曲峰塢圍
若奔馬走鹿如是塢
數重高下萬山簇聞
道有龍潭深壑飛霆
雹泉落千丈強洗耳
聽琴筑舉頭見奇礪
羅列彝鼎樸翔輦展
平翼坐獅轉努目方
正觀雲臺參差架筆
玉排雲衆石聳磊磊
復碌碌勝境通天門
崇岡現岩屋廟貌舊
莊嚴懷題新藻緡兩
山同一神避劫此山
獨此觀惟門扉小損仍存舊模更補新葺香侶正駢闐
羽旄鐘鼓肅聽說暑
徂秋清涼更靜穆會
當避熱惱來此棲信
宿坐看雲生松臥聽
泉瀉竹縱遠天上仙
聊洗

人間俗

雖非天上不是人間觀門外舊聯也

川沙陸遜墓觀大銀杏樹

樹在陸墳庵外墓頂數千年物也庵榜又題陸墳為綠雲

分根突兀幹輪囷似古尊彝幕綠雲獨立空山成壽者能全

大樹託將軍

庵為粵賊毀損墓樹遠於庵而特存

說千年事歸來鶴護十圍身

自在雲古怪清奇天設偶司徒廟配陸侯墳

司徒廟四柏樹在吳郡

題胡菊隣

鑷

啜醕圖卷

菊隣石門人客滬川圖寫海上泛舟載酒意

何妨痛飲學劉伶能讀騷人意獨醒全變春江為濁酒自隨
明月棹孤船帆牆潮汐烟中數歌管樓臺夢裏聽世共浮沈
心不醉沙頭挈榼倒雙瓶

移居薦橋街

難作依梁燕還為負殼蝸數間容膝地八口待餬家故里新

居感桑田海水嗟百憂姑捨卻室小自心還

買屋即舊居巷口

題懌齋姪雲來山館詩遺集

奇才不恆出出乃天厄之間天天無語搔首摧心脾出塞古
蛾眉青冢埋芳姿將軍老猿臂封侯偏數奇含冤社稷臣萬
里長城墮下第窮巷士登科讓羣兒天壤悲憫事振古恆如
茲挫之天不惜生之亦奚爲吾宗有阿買龍駒不可羈髫年
萬卷破筆陣千軍馳書史三峽倒雕纈滿眼披酷似岑華公
絕麗蘭鯨詞姪之外王父吳丈巢松先生有岑華居士蘭鯨錄詩芙蓉灼初日翡翠垂
芳蕤屈宋高豔摘班馬濃香霏溫李直手挾韓杜爲心師錦
組一篇出詩老耆頭低弱冠列儒林文雅縱橫飛分題擊銅
鉢勸讀然青藜多材更多藝有守兼有爲分才十人了論學
餘子卑阿耶官吳會簿書隨考稽文通且武達政事裕措施
其覩雲霄羽高飛漸鴻達非止張氏寶名將海內垂

梁書張
緬傳語

頻踏槐花市弗攀桂林枝拾卻席帽微與爾好爵靡長風破
浪志大海乘桴思哀吟庾子賦遠瞻越王臺越臺高崔魏仙
人五羊騎排雲金銀出拔浪滄溟開江關慘蒿目海國豪伸
眉蕭琴雜慨慷唱歎何淋漓雲謠而波詭數卷添新詩天風
海濤耶讀者掀髯髭詩名已遠播吏治還交推展此舟楫手
陵彼滄洲湄抱此几案才綜彼民社司驥足驟跬步牛刀割
微雞經術作治術俗吏那得知學優徵仕優淵海誰能窺百
萬胸中兵崔嵬舉手麾一升日食米元明勵精持大府倚臂
指歡然共安危同憲震才名瞠乎難規隨疆北有嚴邑濱陽
通翁谿山深林密地廣遠頑民棲盤錯需利器疇能理勞絲
簡能捧檄去寬猛兼施慈人歌杜母惠隸憚蕭符欺鳴琴化
童雉垂簾寂階墀不勞民入縣就鄉聽獄辭惟防役縱姦緝

盜親山茨閭井安無驚長官樂不疲鄉毗懷其德胥吏畏其

威可入循吏傳可建德政碑治行將報最喬木聽遷鸛奈何

親戰陳賈勇災禍罹鬪者為鄉隣敵者有虎貔文臣先武士

落日無大旗免胄作先軫倉皇頂踵糜姪辛翁源鄰邑賊起

剿姪先馳於將殉彼久磨寇折此大厦傾海邦失良吏通國

皆嗟咨豈惟通國哭可憐一家悲匪獨骨肉傷遂令門祚衰

枉負軀七尺為國楨幹材枉負才八斗為世珣玕琪萬事一

朝已埋玉北邙蹊僅留此編在一讀一慘悽天若假之年陵

霄展羽儀勳業與文章誰能測所躋惜哉斯人也而僅止於

斯傷哉斯人也而遭斯禍奇 褒忠縱有典事 開 特詔

并世遺愛縱有祠痛哭哲人亡長歎梁木頽瞻望雲來山身

如敝屣遺英魂毅魄去可能乘風嬉祥麟屈遭狩文豹徒留

皮一官絕吟筆數卷傳棗梨再讀三歎息四壁悲風吹仰天
掩卷坐淚落如綆縻

題金子久參軍

慶恆

雲間吏隱圖

時攝婁縣主簿解署歸
僑寓王氏園繪圖記之

儒生隱於吏山水懷清音抗塵紆綬組樂志頤泉林緬惟古
君子高躅耽登臨袁尹杖策游沈侯郊居吟梅尉神仙吏任
守山澤襟心遠靜車馬意澹忘纓簪豈惟澣塵俗亦以清道
心金子本素望績學懷球琳驥足就百里牛刀試微禽庭閒
鳥雀羅解敞風雨侵負郭有名園水木饒清森浮圖峙其前
流渠環其陰一灣碧滉瀟萬竹青櫛慘於此坐嘯焉樂處孔
顏尋好風與明月濁酒借素琴觴詠趣惟適談笑興不禁倘
祥儘晨夕人海憑浮沈此日圖吏隱浩歌兼淺斟他年紀朝
隱衣紫還腰金疇昔午橋莊再興兆於今

園爲王文
恭公舊宅

邊傷老友徂謝感賦

今日埃塵昨酒樽
歎人自歎迫黃昏
逝川落葉成陳迹
墮溷飄茵黯去魂
姚察圓蒲空一切
庾詵淨域捨諸根
哀傷賦詠還多事
萬事刪除到語言

寄庵默坐

如寄人生百不須
布衾偃息菜羹餬
愛河欲渡呼公莫
古樂府有
公莫渡身相全
非悟我無過眼驚
風飛白日警心哀
節起黃壚盡空五
蘊離三有自寫焚
香默坐圖

秋怯涼風夏畏炎
蝸牛廬裏影常潛
不教車馬喧顏協
自隔離庭學謝瞻
藥助危羸期少病
身爲谿壑戒無厭
但娛書卷疏山水
還護朝寒漫卷簾

喜汪伯勵

存

來杭話舊并示讀綠夫容閣近詩奉贈

庚鮑清辭溫李歌翠若錯絲玉交柯仰觀蒼狗浮雲幻感慨
紅羊劫世多論史知人持鐵筆徵天紀事比金科詩有讀晉書

詩更鳴華國文章盛高會覽堂詠大羅

鵬薦丁年憶雪門甲周又見讀書孫余受業於君大父贊溪師嘉慶辛酉至甲子從

游凡四載師丁卯登賢書官終武進令鸞箋象筆多材藝蕙園芝田有本源香

火勝緣三世余髫髻已識師顏其後又與尊公子黃煙雲

往事一樽論顧吾窮老傷還幸賸此餘生碩果存

雨中湖上集蘇句

西湖西畔北山前無數青山水拍天泥滿城頭飛雨滑應須

爛醉答雲煙和沈諫議瀛泉亭慈湖夾阻風九日黃樓

碧瓦朱欄縹緲間烏菱白芡不論錢醉歸扶路人應笑洗足

關門聽雨眠游道場山望湖樓吉祥寺宿水陸寺

中丞馬穀山先生開浙江書局采刻遺書敬呈二律

書遭五厄古今愁隋牛宏傳語厄到于今浩劫尤 秘府東南嗟

散佚英光吳越少遺留欽定四庫全書江南文宗文

浙楚院文獻之家秦灰楚炬亡邱索漢閣梁園仗阮劉求遺

藏書焚毀殆盡宋王儉又別撰七志梁阮孝緒更爲七錄

文治贊襄圖籍重獻琛有路待旁搜

五車三篋聲家藏手著猶欣賸吉光讀史包羅網鑑畧窮經

辛苦暑寒嘗昌世藏書籍數萬卷兵燹中盡亡先代著作

鑑網畧畧八卷爲先大夫倉塲公改定者稿存未刻謹按

海內藝林所珍奉是編目韓覽一書宋撫鑑網之菁華爲

古詩詩計一百三十二首四萬三千餘言閩中柯孝廉爲之

也久應刊惠藝林因循至今亡兄之子復亡遂不能刻昌幼

好春秋所輯屬辭辨例編六十二卷竭四十年心力乃成又

遭劫燬深爲悵歎此編全采四庫全書所著錄春秋家並存目所見之書及漢唐以來古籍近儒專經精說計共采經史子集春秋家書四百餘家前學使吳姓勛侍即欣賞序之今雖覓得僅存之印本無力重刊沉埋抱璞前功惜欣賞懸門大力望願與儒林資枕葦愛書不是好名狂

丁卯九日攜幼孫步登吳山第一峰得絕句四首

第一峰頭江海長未登絕頂已陵滄重來扶杖攀千級贏得

人誇濟勝強

幼孫等到坎卦石頂余減數步坐於石下

不許登高天豈然頓收兩陣放晴巖海門了了青山外之字

江流上字帆

句餘苦雨之後暢晴

花木樓臺化幻雲滿山芳桂一枝存道人廢圃栽秋色忽見

丹霞湧斷垣

閭桂樹止剝山後一株李道土破廟廢地栽秋英甚麗

昔年拜斗競鈿車今日荒壇鐘磬無采菊歸來誰送酒薦橋

街上自提壺

幼孫采菊歸

小說家載昔有老而無子者叩於老僧僧曰汝不負人
人亦不欠汝烏得子感賦此解

無欠斯無緣逋了卽緣絕獨來獨往身虛空本無匹負螟但
慰情翼燕徒詒厥天地且逆旅烏合況同室

十月十五日放棹吳門匝月而返得詩四首

放棹明月下荒原如瓊宮出郭朝旭初露華泣霜叢雁少朔
風小春多溪樹紅年年慣招我冷日吳江楓

清曉衝煙出蘆中十數牒打漿人飄飄相逢語喋喋露蓊裹
青襖村女凝紅頰鄉市熟往來薪米便交易

日出水生烟流霜化飛霧烟消景明瑟丹草炫華露波皺萬
疊金雲劈一縑素瞥爾照眼紅艣枝明遠渡

匝月不零雨恆燠冬如春熱極偶生風風定仍奇溫吳市暢

游履晴川嬉歸輪烟水樵青共願作浮家人

潘季玉方伯

會璋

五十壽奉祝二律

文恭公師相第四子

低首程門奕葉昌儒宗相裔受恩長玉昆金友盈牀笏笏秋

典雲司列宿芒上馬脩期俄虎變聞雞越石更鷹揚

君承應官秋曹

以軍功至方伯李少荃官保奏疏極稱君戰績文通武達助名盛回溯華年正日強

戎馬書生學范韓粉鄉藟底毀能完濟江祖逖澄清奏諭蜀

相如反側安

蘇垣復後夷將擣魯君奉官保命隻身往諭導遂即悅服罷兵

芒屨短衣剛戰

壘

曾滌生節相書有短賦詩橫槊又吟壇

誰識耆英筆

陣幡君所作詩詞并疏述友恭公著作能傳家學

潘順之太史

遵和

六十壽奉祝二律

四世利名美繼繩祖孫父子到雲仍

君大父榕皋世丈尊公理齋先生君與哲弟補

之賢

從拉登第大羅霓詠家人聚上苑花探使者稱尊公乾隆乙卯第三人先

大夫分校
所取士
步武八軼看日麗繞庭雙桂又香凝瀛洲眷屬神

仙胃喬壽如松茂蔭承君家三松堂尊大父植之至今喬木存焉

老鳳音聲小鳳同一條冰在玉壺中清卿濟美清郎月中隱

齊名大隱公簪紱不將蘿薛易菊松自有徑園通君家三世均列清階

而聯高尚有園棲隱紀羣交契逾周甲欣對蓬山頌壽翁乾隆乙卯至今七十二年

贈長洲大令蒯子範觀察德模

大名循吏冠南州沛若春江惠澤流父母尊親如名杜士民

傾戴比蘇歐輿梁砥道皆平蕩澤鴈沙蟲早宴休德政百城

堪表率豈惟茂苑聽歌謳吳會克復後修治道路城衢安輯流離遺子君皆身任之

即論吳會德無涯神父神君萬口誇振拔單寒宏教育郵賙

惇獨泯咨嗟振興義塾養濟孤貧文林啟秀儒林重正氣垂型士氣華

修文山先生祠為課士訓蒙所簽正教忠意也仰對先賢傳後學倚瞻玉樹愧霜葭

昌蒙當路招主平江講席兵後院屋未葺器具未備君修
治完整今來住院督誦瞻拜先賢並得讀大刻碑文詩什

讀葛民夜坐一切音聲閣君禮處詩次韻奉和

墮塵網裏誤身前解脫三輪仗四禪
照見諸根空色相證聞大事說因緣
明珠仙露無生法孤鶴閑雲自在天
世界微塵無所著心如海月現清圓

原作

曹籀

瓶水鑪香供佛前蒲團竹榻好安禪
懺除文字

今生障了結烟霞夙世緣
證果欲超無色界愛花猶墮有
情天一塵不著心清淨十鏡交光現大圓

戊辰

戊辰元旦

舊臘吹微雪新年豔好晴
三農祈麥實萬戶誥
兒女詩情憶友生
囊翁無個事獨向醉鄉行